


9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C40-4514



B 64853



淨信堂初集卷五

萬益道人智旭著

門人果海錄

記

介石居記

自寂光之性。翳于五住塵勞。而一切含識鮮有恒居。雖四禪四空及方便土。亦屬旅泊。然以正法眼觀。則世間相。即常住相。妙在不爲物轉。便能轉物。故楞嚴云。見與見緣。并所想相。如虛空華。本無所有。元是菩提妙淨明體。蓋惟達無所有方。乃契會菩提。倘逐境。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

生情則流轉從茲相續矣。予嘗讀豫之六二曰。介于石不終日。未嘗不掩卷太息也。夫六道豫有二乘。豫空藏通菩薩豫于度幻。別教大士豫於但中。皆未了法界隨無明流。豈若圓頓初心。悟因緣卽空假中。法本無住。物亦不遷。是則幾之微也。尚不容一瞬。而况終日乎。無生利那。名之爲介。常自寂滅。喻之以石。融刹土于毫端。會古今於當念。以三無差別。而獲二殊勝。不諂不賣。義極於此。誰謂宣尼心學。僅在六合內。而牟尼法要。不在日用間哉。權可居士。儒而釋者也。

額其居曰介石。其有得於斯旨者多矣。予因充其說而記之。

重修寄心菴記

子輿氏之言曰。君子創業垂統。爲可繼也。予每讀之。輒三復焉。夫君子之業。有二十世間。二出世間。出世之業。真諦尚已。世間之業。同名俗諦。亦自不同。有天下之統。有一國之統。有一家之統。至於卽一家而可以普爲天下。卽世間而可以通出世間。此又君子之所貴也。論者不達。每謂居家爲宗祧計。爲子孫謀理。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

須創業垂統。衲子則雲行鳥飛。蕭然無累而已矣。奚以成家立業爲此特未知。四方常住招提香火之義者也。知此義則知業無論真俗。統無論大小。總必有一段真精神以創之。真血脉以垂之。充此精神血脉之致。則小可太近。可遠世可出世。悟無寄之妙心。而於此寄其心。如承天寺之伏龍塔院。亦其徵哉。院本古寄心菴舊址。坐伏龍而對天池。左麓山而右穹窿。環列而相拱者。則有蓮華竺塲諸峰。古吳勝概。屈指居先。精舍名藍久埋荒草。神廟初年。寶林堂玉林瓊

禪師啓南金禪師卜兆宅于茲地。重爲經始。芝庭潤禪師繼其志而成之。歷至今上七載。山水所侵風雨所蠹漸就頽圯。靜居宗禪師以其地近泉脈。易受蒸濕。稍稍移於西麓而鼎新之。中堂奉佛。名淨業堂。堂後建閣。名爲證桂閣。之下爲禪堂。以安淨侶。閣左右各有靜室。以爲耆宿養道之地。閣後鑿池。以畜金魚。池南爲梅圃。池北爲修篁圃。池西爲逸友亭。俯觀遊鱗。仰視白雲。窻牖爽豁。面面青山。野花送香。羣壑奏響。鎮日危坐。洵可以忘世也。佛堂之前。復構三楹。一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

爲客堂。二爲僧寮。兩廂廊廡浴室雲厨無不畢備精
麗典雅倍於舊觀。不一載而告成額其門曰重雲小
隱。蓋以寶林堂左復有重雲堂也。由菴而東北則瓊
師骨塔及累世法屬之佳城咸在焉。師又欲永茲香
火。置僧田若干畝。園圃若干畝。柴山若干畝。延碩德
名衲於堂中。晨昏課誦祝國祐民。自是而晝則香煙
繚繞夜則燈火輝煌。松濤鳥語盡與般若法音相唱
酬矣。予與宗師爲忘年交。每挹其德容慈語正不必
商究佛法已覺融於妙道。至于仁厚之風忍辱之行。
一斑例得並書。

本自性成非闢修證。誠綱林雅望者宿芳規也。嘗訊
以昔日起家之始。實昉於瓊師金師繼以潤泉德師
及潤師等而宗師善守其成更擴其度。然或以歷鍊
或以嚴明。或以仁恕。皆自有真精神命脉以持之。是
故卽一家香火而可以護國。不壞俗諦而真諦自明。
此其寄心於一菴而亦可以悟心於無寄者也。是役
也。効經營之力者爲侶雲塵公。公卽宗師法孫。篤信
而爽明志量超卓。能繩其祖武。垂裕後昆。卽此已見

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

緣起

毘尼事義集要緣起

毘尼藏者佛法之紀綱。僧伽之命脈。苦海之津梁。涅槃之要道也。粵自鷄園初唱。召善來而戒體斯成。迨夫鶴樹潛暉。申願命而木又是重。必因犯以乃遮體。則叶於無作。若緣開與隨制。用復契乎妙圓。實大小之通途。詎聲聞之獨轍。堪嗟像季。罕達真宗。愚者昧於罔闇。狂者置諸弗屑。或以禪機而巧遁。或以方廣爲駕言。並屬依文誰思實義。且如能師佩心印於黃梅。胡以闡化曹溪。猶用登壇受具。觀師弘華嚴於五頂。胡以範模朝野。必須十普律身。蓋大雄御極。則法僧二寶咸由正覺揚輝。而善逝藏機。則佛法二尊同藉僧伽建立。倘惟十重衆輕。卽與在家奚別。自非五篇七聚。安知離俗高標。是知梵網戒經五道齊收。但除地獄。則以通而成其大。毘尼法藏。止許人倫猶遮諸難。正以局而成其尊。必使仰慕大乘。不尚小節。自可畜髮捨衣。作火中之優鉢。如或情悲末法。有志住持。豈得恣情蕩檢。爲師子之身蟲。智旭自念障深弗

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

克仰修玄理。復悲生晚。未由隨侍哲人。痛隙駒之莫挽。捨慈母以披緝。思樂土之可歸。羨蓮師而私淑。綱宗急辨。每懷紫柏之風。護法忘身。願續匡山之派。暗時流以長歎。讀遺教以增哀。爰于甲子季冬。禮無量光塔。倍復發增上心。乞古德闡梨。證明學菩薩戒。次卽備閱大小二律。輒宗四分。并採餘家。錄爲事義。要略漫率。愚蒙之鄙見。豈堪呈似大方。擬作巖谷之資糧。亦無心於兼利。戊辰春。遇雪航樞公。欣然有嚴淨毘尼之志。因念向以入山心迫。所錄猶多疎漏。迺就

龍居禪窟再檢藏文。不問本部他宗。凡切要者悉皆錄出。淡詳輕重之宜。備顯開遮之準。兼叅大律委示別同。俾畏拘執者不招謗。小之殃喜。罷侗者難開藉大之口。考訂成帙。更名爲毘尼事義集要。質諸真寂聞。谷老宿博山無異。禪師咸以忖梓流通爲囑。於是復同壁如歸。一二友商確參訂備。殫其致。而佛日金臺法王欣然印可。遂命剞劂。佛法緣起固自有時。嗚呼。斯集也。雖於妙高之體。不啻微塵。其在駑劣之資。已稱竭力。所恨解慧疎庸。窮行缺畧。仰愧往哲。俯怍

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

清信堂藏集 雜記

七

後賢惟願同學善友鑒我苦心愍我不逮一意秉持
共扶法運庶報佛恩於萬一爾

靈峰寺淨業緣起

嘗觀淨土之爲勝異方便正不在寂光實報方便而
妙在於同居蓋寂光等三土必須斷惑乃生惟同居
淨土直以信願相導感應道交五濁之習稍輕三界
之苦斯脫而又卽此西方極樂豎徹方便實報寂光
故茲一門雖下愚者皆可登其闕而上智者終莫踰
其閘三根普資四悉咸備正法住世諸祖已共弘揚

末運迷津四依能無獨讚乃世之駕言直指者輒以
西方爲鈍置學語大乘者復以淨土爲退休殊不思
不假方便自得心開世安有如斯曲徑妙華盛祇徧
供億方世安有如斯小乘且旣悟直指是名見性成
佛何故拒彌陀於自性之外旣乘大願必須嚴淨佛
國何故據極樂於刹海之中夫聲聞權教不聞他方
佛名四果神力僅周三千界內彼十萬遐方尊特善
逝非勝進大士勇猛丈夫孰能親近承事甫育蓮臺
便階跋致較諸矢心參究期冠三生已悟心宗猶曰

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

生生若能不退佛階決定可期者其難易遲速皎然可知是以六方調御同口讚揚徧吉文殊誠心勸發豈欺我哉爰自法流震旦教被羣機雖禪律並弘性相各演然皆法久弊生勢窮須變惟茲淨土玄猷始自匡嶽以及五雲或刻蓮漏於六時或發妙宗於三觀或導萬善以同歸或融一心於事理總之法無不收機無不攝故得法流益久法道愈光聲化所洽遠及山谷于時郭南靈峰講寺雖佛殿已頽僧倫絕轉肄農圃爲資生習伎樂爲法事毘尼不秉了義罔知

猶有石峩頑公乘往昔願輪托踪應院敦請雪航械公述蓮師遺軌結社茲山於時左輔右弼者復有抱一粹沙彌季清程居士粹則甫著袈裟儀同百臘程則宗門角虎神棲九蓮共稟彌陀弘願同闡勢至法門遂乃佛聲浩浩偕松風鳥語而並顯圓通僧德雍雍率牧豎耕夫而同入三昧橫超三界無煩九次第修豎徹寂光不俟三僧祇證誠剗濁之津梁而昏衢之寶炬也予故合掌而爲之助喜

重定選佛圖緣起

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

因世有陞官陞僊等圖而天台無盡大師遂援丹霞
選佛之語作選佛圖。普攝好嬉戲者令其切心呼佛。
且令漸知六道往還之疲苦三乘出要之差別真大
慈善巧也。予結夏靈谷因見一二道友未能忘情于
博奕思進之以此圖而無處可覓乃追所記憶補所
遺忘兼增聖凡因行及種性差別以彰不一之機設
大權護法及無根信位以開圓轉之路諸天有降德
貶墜之苦無色有窮空輪轉之殃逆惡猛心准觀經
而許歸淨土泥犁劇苦依華嚴而徑上四天六道三

乘。有念佛者悉得往生可以彰彌陀之勝願血乳酥
酪有毒發者悉入圓頓可以悟權實之攸歸土有穢
淨橫豎標心於上品寂光知非權說教論轉接同會
趣極於妙覺究竟信惟一乘皆依教觀大途非敢稍
存臆見凡欲陞此圖者必須淨手焚香不得裸身穢
囊雖曰遊戲同植深因普願有情悟茲方便

重定四教六即圖緣起

天台覺大師始排此圖蓋舉如來一代時教之綱領
及吾人歷劫修證之途轍燎若指掌真無量功德也

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

但以六卽介於兩教之間。致使線畫紛糅觀者尚未洞然是以雲濤開士固命予重審此圖字雖稍增而科不混雜并附古頌于下以便誦習庶令人尤易曉耳

八關戒齋勝會緣起

祖意不明則出世無正眼。教法不講則修行無正路。齊戒不持則踐履無正功。末法通弊其來久矣。惟豪傑之士能挽頽風而不受頽風所轉。然不受轉者固操之有恒而挽頽風者必藉諸緣起。予嘗謂有志之

士非明祖意不足與論教法。非精教法不足與課戒齋。此則理悟事修之說也。若夫因戒生定。因定發慧。如來一代教門不由斯戶。終難入室。又誰敢有異議。於其間哉。我影渠靈隱二大士旅泊于構李之阿蘭若處。一則深明教典。而晏坐關中。一則了悟心宗。而借詩說法。澹然無復人世間况味。而亦不離此人間世。或有過而問之者。以爲此寂默無言之闢王。此詩才高曠之靜主耳。二師固以默斯要而往來諸善信。亦罕有發一言訊及本分事者。倘梵王竟不勸請則

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

二尊終不度生耶。予旣得相視莫逆於二師。并得接見二師往來之善信。竊見善信未嘗無可誘之機。卽二師亦未嘗缺慈悲度生之念。向之法大機小。迥若相隔者。直未念諸佛所行方便力。遂使三七思惟。幾成十劫永坐。予由是敢効十方之梵音慰喻。兼學梵王之殷勤勸請。爰鳩善信倣佛世芳規。作六齋勝會。以種出世正因。仍擬六日之中。各修一行。共嚴法身。初八放生。先充同體大悲。十四禮懺。共淨自他三障。十五誦經。種圓頓之聞熏。廿三究義。開自心之覺路。

廿九坐禪。悟一心之本源。三十念佛。淨唯心之四土。終而復始。永矢弗諼。未種善根者。今當令種。已種善根者。今令增長。展轉誘化。漸次深入。熟于斯脫于斯。原始要終。未嘗離此八戒齋法。庶幾末運爲之一轉。亦不辜負二大士之現身此地也。不然明巖遁迹閭丘。太守徒增悲愴。竟何益哉。予是以代爲衆善信警。莫謂豈千饒舌也。

退戒緣起并囑語

智旭生於萬曆己亥。至二十四歲壬戌。爲天啓二年。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

濟公堂稿集 卷三
痛念生死事大。故雖亾父未葬。老母不養。決志出家。究明大事。是時紫柏尊者已寂闍中。雲棲老人亦遷安養。慈山大師遠遊曹溪。力不能往。其餘知識非予所好。乃作務於雲棲。坐禪於雙徑。訪友於天台。二年間往來浙右。迹固靡定。心實真切。但以念念趣向宗乘。教律咸在所緩。後因幾番逼拶。每至功夫將得力時。必被障緣侵擾。因思佛滅度後。以戒爲師。不受其戒。不入僧數。然竟不知受戒之事。何者爲如法。何者爲不如法。但以雲棲有學戒之科。遂從天台躡冰

冒雪來趨五雲。苦到懇求叢林執事。方得請古德注師爲阿闍梨。證明學戒。向蓮池和尚像前頂受四分戒本。此二十五歲癸亥年之臘月初八也。甲子年臘月二十一日。重到雲棲。仍請古師爲闍梨。受菩薩戒。乙丑年春就古吳承天寺閱律藏。粗讀一遍。僅四旬有餘。錄出事義要略一本。此後仍一心參究宗乘矣。戊辰年春。被雪航懺公畱住龍居。再閱律藏一偏。始成集要四本。己巳年春。送惺谷壽公至博山。蘿髮携之囊中。無異禪師見而喜之。卽欲付梓。予曰。未可也。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

請再加詳焉。乃於是冬同歸一籌師結制龍居更閱律一編。訂成此書。庚午年正月初一。然臂香刺舌血。致書於惺谷。催其踐約受戒。三月盡。惺谷同如是昉公從金陵回至龍居。請季賢師爲和尚受比丘戒。欲以我作闍梨。予堅辭之。乃請新伊法主爲羯磨闍梨。覺源法主爲教授闍梨。予因三次閱律始知受戒。如法不如法事。彼學戒之法。固必無此理。但據眼見耳聞。諸處律堂授戒法則。亦並無一處如法者。予當時受戒。雖不如法。而心極殷重。或可得戒。然惺師爲我。

畏友受益最多。不欲居其前列。擬捨前所受。次惺師而重受之。惺師固執不可。謂設欲重受。必讓我爲第一壇。予曰。旣仍在第一壇。非我謙退本意。則又何須重受。乃寢其說。而如是師則久。請益於惺師者。且昔博山受具本不如法。隨衆求受。心亦不真。故捨之而重受。次在惺師之後。是夏爲此二三道友盡力講究。意欲其代此擔子。出脫自身專圖修證。不意雪航則尋枝逐葉。不知綱要。惺谷則東扯西拽。絕不留心。如是師頗欲留心。身嬰重恙。聽不及半。其餘隨喜結緣。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之衆無足責者。予大失所望抑鬱成病解夏後向吳門瑞光寺結壇持大悲呪惺谷遂以此書呈於金臺法王法王隨付梓人予於次年乃就佛日寺楞嚴壇禁足持大悲呪十萬以加被之時惺師得重病偶發二語深覺傷心一曰弟在金陵甚自適意師爲成就自己出頭苦接弟歸予解曰若我果欲借兄出頭何必發意捨戒次兄重受惺師又曰師欲重受不過食粥磨時得果證耳倘真欲遜弟何一向絕不見相遜意耶因此二語大感予懷夫沙門果證豈可妄冀既

重受之舉不就乎日依戒次爲行坐豈容常作足恭嗚呼予之苦心更誰知之更誰諒之遂發一念俟二年後十夏既滿當於衆中拈闡取決倘得退休之闡則吾免白矣然拈闡必俟十夏滿者恐此時卽得沙彌等闡吏有何人講究此律使二三道友稍知出世正法又十夏滿不竟退休必欲拈闡者戒法緣起關係非小須聽命於大覺慈尊不敢以私心自決也越二年癸酉同歸師等十比丘衆安居於洞庭山之西湖講寺作八闡供佛像前然香十炷一夏持呪以加

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

被之至自恣日更然頂香六炷拈得菩薩沙彌闡演
自慶快願永作外護奉事如法比丘孰意末運決難
挽回正法決難久住歸師必欲遠行昉師歸閩未出
其餘不同志者各自星散予又病苦日增死將不久
追思出家初志分毫未酬數年苦心亦付唐喪進不
利他退失自利未遵由世大孝先爲名教罪人撫躬
自責哀哉痛心誠恐混迹故鄉虛生浪死退人道心
造人口業故決志行遁畢此殘生以此手書集要全
帙并陳晏昭所贈法門嬰杵印章謹付與徹因海比

丘仍涕泣而囑曰嗚呼佛法下衰斯時爲盛毘尼一
脉不絕如絲敎道禪宗尤爲混亂予數年苦心未能
砥狂瀾於萬一僅成此集要一書并問辨音義各二
卷一文一字固敢師心一義一法咸符聖敎蓋不惟
律部之精髓亦是禪敎之綱維由斯戶便可升堂入
室執斯鏡便可照膽辨邪惜公根性稍鈍雖聽講二
過僅知開遮持犯之條目未達三學一貫之源委且
公福相未淳智慧力薄缺於辯才短于學問豈能卽
弘傳斯道但念公之從予遊者五夏有三事足取焉

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

一者幾番惡辣鉗錘難堪難忍而絕無退心縱未能頓改舊觀而番番必略有進益二者亦有人如法受其未肯細心行持惟公自聽此集要後輕重諸戒悉思如法躬行三者予癸酉拮据於西湖甲戌匍匐於幻住備經苦患公獨盡心竭力相濟於顛沛之中毫無二心充此三善之致何必不可荷擔正法但須解行雙修戒乘俱急虛其心實其志擴其眼界牢其脚跟盡其在我之修持任彼外緣之自集萬勿輕舉妄動以貽羞于法門倘煩惱未伏慧眼未開辯才未具

學問未充縱有福運須力却之况可作意邀求耶苦厥身形堅此願力依念處而精進行道以律藏爲法身父母臨深履薄守茲一脉倘遇英哲當殷重以付囑之或無其人寧供諸塔廟尊像中慎莫授與非人也語云天定能勝人人定亦能勝天子雖運無數苦思發無數弘願用無數心力而不能使五比丘如法同住此天定也然予此思此願此心此力豈遂唐捐公若能善繼吾志敬守之以俟後賢庶幾亦可稱人定平公其始終不忘吾囑則千里同風否則塵劫永

10 1 2 3 4 5 6 7 8 9 20 1 2 3 4 5 6 7 8 9 30

隔矣。嗚呼勉哉！
乙亥冬囑付海公。丙子春入九華。是冬海公復來同住。戊寅同往溫陵。壬午同出苕溪。癸未相別。不謂丙戌正月海公竟先我而逝。仍囑其弟以集要復歸于我。未知此後何人嗣此一線也。己丑夏日較閱感而識此。

序

女科要領序

藥王藥上二法王子。世爲良醫。口嘗娑婆世界所有

藥味。因味悟道。則知神農岐伯之儔皆菩薩眷屬。來本願力。來救衆生者也。衆生病深且多。故菩薩慈心亦深。方便亦多。予嘗謂不通三才。不惟不可爲儒。正自不可爲醫。醫者之手眼。病者之命脉也。雖死生幻化。終無所逃。以衆生食戀妄軀。苦薩隨順而度脫之。則藥味十萬八千。總只伽陀一味耳。先君少而習儒。長乃業醫。蓋古人不爲良相。當爲良醫之意。然諸科固皆博學。胎產則所專精。術業雖有獨詣。干謁在所不屑。是以寄跡金陵數十年。聊足糊口。夷然無他願。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

也旣歸故國閉門無事。日取古人方論而進退之彙成一帙。名曰女科要領。亦以四百四病。唯胎產所係最重。故注意偏殷。餘未暇及耳。草創雖具。討論未完。世緣易盡。忽已告殂。繼志述事。當在不肖。不肖方遜志空寂。無暇及此。叔父元叔氏。欲承厥業。不肖舉先君遺稿。而盡陳之。且祝之曰。先志之遂其在茲乎。叔父成此。豈惟半積陰功。半養身方。將與藥王藥上二法王子。世爲眷屬。而因以承事諸佛。得證無生法忍也。蓋先君未得不肖。恒持白衣大悲呢。不肖誕時。先

君正遊滇南。夢白衣大士抱子送之。及先君棄世。不肖聞地藏本行。遂誓同願輪。是知我等眷屬。俱有佛法深緣。故輒爲是說。祈二法王子慈悲攝受。使吾父吾叔一片婆心。俱得回向法界。而且使後之仁人君子。閱是書者。同發菩提心。同爲菩薩友也。不然。不肖豈敢爲荒唐之說。以誑人哉。

尚友錄序

予自十二三。卽思尚友。迨廿四出家。益願得同學善知識。然但以直諒多聞爲貴。正不念中孚之在虛而

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨仁堂稿集 卷五

夬履之貞厲也。碌碌七年。我不知人。人亦不知我。麗澤之懷。且爲豐蔀所蔽。幾不復自覺矣。舊歲夏初。始與惺谷壽公相識。一見予白牛十頌。遂傾心欲諦千古。而予固知有惺公也。半年有餘。每發評論。我不能受益。而公亦無由益我。迨仲冬。再遇歸一籌師。方能照我所短。而奪我所守。然後日有開發。及新正文。遇雪航穀公。見有可切磋處。遂併我三人之力。以攻之。屈其我慢。拔其謬曲。頓令知有正修行路。彼益旣大。我益倍深。歸惺二師。受益亦甚。從此始知友朋真樂。

嗟乎。道友豈易得。節得豈易受益哉。蓋惟心虛則明。明則能知人之長。知人之長。而後可以直相與。諒相信。多聞相熏。倘陳見橫於胸中。則人旣不能益我。我亦不能益人。僅可作悠悠泛泛之交。安所得直諒多聞之實也。且如雪公與我。已盟交於五雲。歸師與我。向亦識荆於台岳。惺公與我。亦旣辯論於夏秋。而締盟雅契。皆俟今日始定。豈非昔者不虛爲咎耶。然非歸師。不能令惺公益我。非惺公。亦不能令歸師益我。而非我。亦不能令歸惺二師互相得益。非我等三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

人不能大益雪公。而非雪公又不能令我三人皆得大益。古云。生我者父母。成我者朋友。詎不信然。今以往樂多賢友。更何容生厭足心。是以錄唱和願文諸稿。用作尚友前茅。凡欲爲千古極則人者。當不以辭之拙。而忽其心之苦也。

廣孝序贈晏昭居士

舜孝稱大。武周孝稱達。大則以德爲聖人。達則以繼志述事。此世間孝之極致也。引而伸之。觸類而長之。可以論出世孝矣。夫出世間孝。非聖中聖不能盡。惟

我大雄世尊。從初發心。演達曠劫因緣。觀六道衆生。皆我無始以來父母。而迷暗輪迴。其頑嚚何止倍於瞽嫗。故僧祇妙行。直欲盡衆生界。而令其底豫。無不允若。則夔夔齋慄之思。又何止倍於大舜。是以正覺初成木叉首唱。必以孝順爲宗。此出世間第一大孝也。次惟我地藏大士。及日連尊者。發弘誓願。而地獄頓同解脫。設盂蘭供。而亡母卽得生天。可謂繼先人未有之志。述先人必應之事。此出世間第一達孝也。然則我等旣已發菩提心。行菩薩道。雖慈心三昧徧

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

以法界爲緣。而如幻熏修要且由近及遠。緬思各各生身父母。或生時不聞三寶。或雖聞而不信。或雖信而不解。或雖解而不修。迨夫生從緣謝報逐業遷升。況九有歷嘗三苦。斯時捨拔濟更何所志。捨歸依更何所事。繼之述之責在當人。讀博山大師錫類法檀誠今時達孝第一榜樣也。爰有在家高弟晏昭陳居士。深入禪味。廣修孝思。以真釋心行。作真儒事業。爲其二先大人。設妙供行放救。取法名求法語。世出世孝兩擅其美。師資一揆。機教相符。感我博山大師。以

同體悲說最妙法。不但使居士兩尊人徑於剎那登上品蓮臺。而且俾現前清淨衆各於言下見生身父母。此之薦度。豈僅一生七生乃至歷劫父母。同得解脫。以要言之。盡空法界。一一塵中有一切世界海。一一世界有一切衆生海。一一衆生有一切眷屬海。無一不解脫者。何以故。以同體故。此同體法性。集生居士悟之。以爲放生主。旻昭居士悟之。以報受生恩。博山大師悟之。以說無生話。彼飛潛之屬迷之。不克自全。而乞恩於賢達善信子。輿氏曰。人之所以異於禽

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

獸者幾希。豈欺我哉。言念昔者喪慈父而不思繼嗣。捨悲母而頓入空門。迹固與曼昭異心實與曼昭同覩。茲勝舉愴然在懷。請卽以烏龍潭爲世界。悉檀以天厨供作爲人。悉檀以所放生命作對治。悉檀以說小參作第一義。悉檀四悉互具。更何剎法。惟是深隨喜心廣回向願。灑曹溪一滴於烏龍潭內。是水皆作醍醐拈青蓮一瓣於翠竹窓前。凡卉盡成藥樹。然雖如是。更有廣孝一偈。不免爲居士拈出。偈曰。空中幻色。惟蝴蝶靜裏閒聲。有竹鷄莫道故園消息斷落。

花流水滿前谿

長干寶塔放光序

并贊

世固有極真之事。而僞士疑之。則竟成僞亦有極僞之事。而真士信之。則竟成真。蓋真僞本無實法。惟是當人自心現量試觀。四果證于沙彌之戲擲。空法悟于乞士之默逃。而學道之貴真信可知也。迺末世衆生濁智熾然。偷心常轉。旣不自信。亦且疑他。談人過則神動。色飛稱人善。則反唇露齒。無惑乎念與悲隔。愈趨愈冥也。且如報恩寶塔莊嚴爲天下第一。聖祖

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

神宗所憑式天龍鬼神所翌戴華夏蠻貊所瞻仰衆生善根所依持故落成而顯奇瑞載諸國史隨感而舒寶光傳諸耆老本非怪誕安所狐疑獨于碧輝上人求光得光一事則羣然誹之吾不知其何說也夫上人之見光固有同見之者藉曰此大衆善根所共感不應獨擅其功豈不知同體法性如鏡光相攝互入互融譬諸世尊處在衆會各自謂恒對于佛咸謂如來獨與說法則上人謂塔獨與放光亦何過焉復有吹毛求疵舉上人生平不足以議之者予曰人

非聖人孰能無過得見塔光卽是夙因深厚設欲疑惑上人奈何并疑塔乎予則以信塔而并信上人爲之贊曰

佛光本常在如月在虛空衆生心水淨隨方影現中信爲水清珠能清濁智水懺悔旣深誠感應無方軌善哉碧輝公苦行實不同瞻禮勤無怠心與慈冥通故得妙宰堵舒曜不可數燈像現如雲蓮華下如雨此名真實光此名常寂光本非心外法安事漫籌量堪笑生盲類妄作虛幻會未明真實肯那知虛幻義

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

我知一切法無假亦無真但願信得及携手光中行
五戒持犯考序

五戒不持人天路絕金口誠言豈應忽慢乃時丁未
法無論人罕稟受卽受者亦僅掛虛名鮮有能時自
省察者五濁增盛惡道充塞有自來矣季清程居士
秉靈山囑乘大願輪受菩薩戒於博山乃作尸羅持
犯考以自行化他復念近事男女旣納五戒應力行
持仍立此格以公同行或謂持犯本空何須日記嗟
乎若達本空尚無有持何更有犯又犯旣卽空記豈

礙空然則斯格也上士雖不必記正不妨記中士必
勤記之下士實不能記乃藉口於不必記夫烏知彼
不自記固有記之者矣賢智者宜何居

沙彌持犯考序

楚中有生員以正直爲冥府所重值冥府缺第七殿
徵其神識署之每隔數日一往視事事畢復甦偶閱
紀過冊見其妻盜鄰人一鷄甦乃急令相還復再閱
時罪款遂失所在此事近在時人耳目非虛誑也夫
生員之妻未秉佛戒所謂俗人造罪是其分內猶且

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

莫逃陰鑒。况沙彌隨佛出家。同僧利養十種淨戒。盡壽誓持。顧或踰閑蕩檢。能免護法譏察耶。且息慈名義。卽是淨滿真因。持則果極法身犯則罪歸阿鼻。豈得不時時自考。乃令冥府司權。予久欲設茲方便軌範行人。適程季清居士作菩薩尸羅考。先得我心。遂急成之。居士復捐資刊施。真弘護之極思也。好心出家者。堅志力行。庶無愧於居士耳。

大比丘持犯考序

浮囊五喻正喻。比丘五篇。是宜輕重等護。而世顧貌

爲小乘。彼戒身旣損。則定慧何從。無惑乎。行果俱喪。竟成末運也。然契經有云。持淨戒者。不作像法。法滅盡想。能令正法永不斷滅。當知豪傑之士。無待而興。佛旣不以遠近論親疎。又豈以先後分時刻願。我同志。各念比丘體尊毘尼難值。幸獲堂堂僧相。應遵別別木叉。先悔過而後誦戒。方合長淨之科。庶幾僧輪增盛。佛法得弘。不負已靈。亦不負程季清居士梓印流通之深願也。但比丘戒相獨繁。且罪名罪種。並不合與未受人知。故祇列篇次數目。其受持者。自應熟

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

閱四分戒本以及律藏全書茲不詳陳

淨社小序

社以淨名者。淨戒爲因。淨土爲果。淨法爲業。淨友爲依。是出世之法社也。蓋自律學不明。則七支荒穢。教觀不習。則三慧湮埋。僧輪久廢於當年。寶筏常迷於億利。如來慧命不絕如絲。佛子憂懷能弗如擣。是以社盟片石。友尚古今。普續毘尼之敍。廣傳了義之燈。所願香山白象法海神龍。聲應氣求。影隨響和。人堪名世。各思舍我其誰。豪傑自期。莫謂興須有待。冷絕

利名一念。共砥狂瀾。堅披慈忍。僧那深求種智。再補義天。重浴法日。作釋迦之功臣。紹彌陀之真胤。凡我同志。毋替斯盟。

刻淨土懺序

無淨無穢。龍銅真如。卽穢卽淨。瞞軒佛性。信釋迦之誠語。悟法藏之願輪。始知若律若教。若禪。無不從淨土法門流出。無不還歸淨土法門。予初信三寶。志慕宗乘。苦參力究者數年。雖不敢起增上慢。自謂到家而下手工夫。頗覺得力。便謂淨土可以不生。逮一病

濱死。平日得力處分毫俱用不著。方乃一意西歸。然猶不捨本參擬。附有禪有淨之科。至見博山後。稔知近代禪病。索性棄禪修淨。雖受因噎廢飯之誚。弗恤也。于今專事淨業。復逾三載。偕季清居士修懺願于吳興丈室。了知香花燈燭無非稱性莊嚴。熾然捨穢取淨。與不取捨元非異轍。淨土即是真禪。至圓至頓。了義上乘。寧復過此。蓋論器則不據五道。論機則普潤三根。論修證則不歷僧祇。論超越則直階不退。但有大利而無大害。較西來祖意。豈不更直捷更穩當。

耶。每痛末世狂禪烏空鼠卽。不惟撥無淨土。亦乃謗譖宗風。獨季清居士。迺雙徑流歸雲棲派。因金臺法王。有刻六宗之願。遂任淨土一門。而卽從儀儀爲始事。予謂法王。滙五宗歸淨土。可以懲勸諍堅固之失。居士以淨土收五宗。可以治多岐亡羊之病。而儀儀一書。十科行道。五悔練心。徹理事之源極性修之致。譬如然和香。一丸飲海水一滴。何香不具。何水不沾。尚爲六方調御。廣長舌之所共稱。予敢不深心隨喜。爰不辭醜拙。而爲之序。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

雲麓居士持金剛經序

經云。五度加盲般若如導。又云。行門如足智慧如目。目足並運入清涼池。此金剛般若經所以爲萬行之司南。大乘之正戶也。故曰。一切諸佛及諸佛阿耨多羅三藐三菩提法皆從此經出。世人不達實相印妄談無相宗謬執卽非一語罔識是名指歸。萬行旣無正解亦喪。終日讀誦般若講說般若皆爲誹謗般若亦可歎矣。譬諸自刖其足致遠何由遺棄衆盲導師何用。于法不說斷滅相佛語昭然胡弗思也。夫色卽

是空非撥色以覓空。無有法得菩提而授記作佛。四句百非直下頓絕。奚勞用龜毛帝拂虛空花影耶。持戒修福于此章句能生信心。後五百歲中人須如是受持讀誦始得。

刻寶王三昧念佛直指序

夫念佛三昧。名爲如來勝異方便。凡聖均收利鈍悉被。以一念頓歸佛海。可謂至圓至頓第一了義者也。而世之迷義徇名者。見有五逆衆惡。一念往生之說。反以爲專攝凡劣。但化鈍根。可謂昧佛妙旨。謗譴深

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

經矣。予因慨末世行人多疑多障難悟難開。于此溪妙法門非著事而忘理必執理而撥事著事者猶堪作下品生因執理者竟淪于惡取空見。蓋至此而直指之道翻成斷滅深坑非藉金鉗誰抉翳膜爰有妙叶導師法紹宗乘教興蓮社應永明角虎之記暢寶王三昧之談境觀並彰纖疑悉破闡惟心之致依正宛然示自性之源感應不忒俾達者以理融事而理非事外愚者亦因事入理而事抉理功誠除惑之前茅。生西之左券也顧二百餘年幾成廢典流通機塞

蓮大師尚欲見而未能而願力不磨韓居士乃從萬融禪師處遘得之予旣獲借讀如飲醍醐悲剗濁之方殷喜津梁之有在急謀付梓以廣厥傳普願見聞隨喜種樂土之圓因讀誦思惟證寶王之法印轉相曉悟共脫沉淪庶不負此希有良緣也已

印月禪人禁足閱台藏序

教觀之道蓋難言矣尚慧辯者汪洋若大海其流弊也逐流而忘源令鈍根者徒增望洋之歎崇修證者致精如鐵橛其失意也守株而待兔令無聞者坐招

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂存集 卷五

暗證之譏惟我智者大師深悟法華三昧妙得旋陀羅尼九旬談妙極教綱之幽深十乘修心備觀門之攸致是以燈燈相續祖祖相傳駕賢首慈恩而獨盛並黃梅少室而爭芳心印昭于日月傳習偏于華夷而部帙最大者有三曰法華玄義曰法華文句曰摩訶止觀玄義文句教正觀旁止觀一書教旁觀正永無說食數寶之愆高超暗證無聞之禍有荆溪大師復從而闡揚之翼玄義者曰釋籤翼文句者曰妙樂翼止觀者曰輔行斯誠佛祖慧命衆生眼目故古人

云台教存則佛法存台教亡則佛法亡非欺我也未世行人障深根鈍學淺志劣鹵莽滅裂僅塗口耳惟以尋行數墨消文貼句將就苟且作名利資糧語以佛法淵源聖賢道脉則咄嗟嘆曰人生幾何能作此窮年皓首活計耶殊不思隙駒幻影名利何裨苟可契于真源尚當矢之永劫奈何覲面蹉過寶山空回此在稍有血性者決不忍自暴自棄失此甘露法門也爰有印月開士托迹瑜伽棲心禪觀不離動以求靜欲卽俗以見真謝泛濫之應緣了深山於閉戶香

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

烟淨几思極溪以研幾龕火蒲團欲觀心而達性既
允孚于佛道必稍拂於凡情是在賢達繙素諒此苦
心成此美舉俾五緣之克備庶三觀以可明他年淨
四土而施四悉咸合掌而歡呼曰誰信理卽利濟乃
成究竟利濟一身普覆一音普聞月印千江有名有
義三千性相的在一微塵中具足方信台宗圓妙
教觀真實不誣卽智者荆溪復來亦必爲之首肯矣

律要三集總序

始予之輯律要也仍律要之次第則以比丘戒居首

而五戒十戒等咸收於雜犍度中迨講演之際旣未
受具者不得與席并其所應聞亦不得聞於是惺谷
道兄謂宜以五戒居首八戒次之沙彌戒又次之然
後及比丘律俾七衆普聞於始而大僧獨學於終斯
乃次第帙然淺深有緒遂從其說列爲初中後三集
初則五戒八戒以攝在家沙彌十戒以攝小衆而大
小持戒犍度示出家之通途中則比丘戒比丘尼戒
惟二衆許聽後則梵網戒經慈氏戒本復收七衆同
歸大乘商訂已定絕其緣起如此

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

寓庵序

聲聞四枯菩薩四榮正眼觀之名爲八倒有句無句雙亦雙非悉檀說之名爲四門通乎此義可以論六合之內議六合之外矣法華經云三界無安猶如火宅又云大火所燒時我此土安隱且道靈鷲一峰果在三界外抑在三界內耶是以四依大士真諭四種淨土必先明橫豎之致豎則土土相殊橫則土土相卽惟其殊也故見思未盡終不離於同居塵沙未盡終不離於方便無明未盡終不離於實報惟其卽也

故九界衆生應念能覩佛境而圓滿妙覺亦時時應現十方應地獄者以惡逆有間無間是其寓應餓鬼者以慳貪曠野山澤是其寓應畜生者以愚癡水陸空界是其寓應修羅者以憍慢須彌大海是其寓應人道者以五戒四洲諸處是其寓應欲天者以十善地居空居是其寓應色無色以禪定四禪四空是其寓應聲聞者以諦智應緣覺者以還滅方便有餘是其寓應菩薩者以六度萬行實報無障是其寓彼能應者隨寓而安迺所應者則隨寓皆著是故凡夫永

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

刻沉三界。二乘恒墮無爲坑。地前大士同滯有餘。入聖高流猶在果報。方其寓也。不知其寓也。嗟嗟。故鄉之夢尚未全醒。客次之居寧爲究竟。惟有秉隨智教。作稱性觀。悟寂光于介爾。始可辯寓義之真實矣。夫旣謂之寓。則一切法趣寓身土。一如理事平等斯亦究竟寓也。一究竟一切究竟。則實報方便同居無非真淨。降此而分證而相似。而觀行而名字。淺深之致雖異。所達之理是同。苟昧此理。則誤認真實固屬凡情。了知如幻終名偏解。豈有當于寓義耶。映渤開士。

卜居狼山禪宇。將欲坐進教觀。名其室曰寓菴。既不肯墮凡情。又安肯落偏解。庶幾不起於座。而徧遊法界。不思議境。則此一坐具地。當與毘耶丈室彌勒寶樓。並參。予拭目俟之矣。

門刻三教聖經序

三教之究竟未始同也。而門庭則未始異。世人不明於同異之致。或勉強會通。或互相排斥。徒增謗聖之愆。其於世出世法兩奚當也。蓮洲居士愍之。各取其最要之法。而合梓流通。儒曰孝經。老曰感應。釋曰華

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

嚴二地章名則不同而義則不別盡孝之道可以感
天地通神明十善斯立萬行斯成達感應之理自必
以孝親爲急務善業爲要歸信善惡果報不虛而感
應之理斯極出世大孝斯成讀是三經而猶謂三教
門庭迥異乎然儒之孝盡人倫之攸致老之感應顯
天道之不誣釋之十善圓稱性之極果卽是三經而
精思細擇其可謂三教究竟是同耶同而異異而同
姑置勿論請各從其教如實躬行非天非人者固自
能天能人究竟人究竟天亦卽是究竟佛發迹顯本

自有月光迦葉之懸記在莫謂學佛知儒非真語實
語也

修淨土懺并放生社序

佛法無量淨土爲歸淨土五門懺悔爲最戒殺全同
體之悲放生充慈善之力此皆無上醫王深鑒衆生
煩惱重病設此妙藥故如法修行無不得解脫者但
必諦信如來誠諦之語而不自信已意乃克有濟如
病者隨良醫教應食者食應忌者忌則病無大小悉
堪療治或率意任情爽口者噉苦口者吐雖耆婆復

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

生亦無如之何矣。何以言之。淨土法門原爲衆生迷本自性。不知常寂光理。生死浩然無有休息。故藉彌陀勝願爲吾人增上緣因。其所謂淨土者。則有寂光淨實報淨。方便淨同居淨。而方便以上三種淨土。非斷惑者不能生。還同豎出三界之義。故特指西方安養同居淨土。以爲送想標心之地。使利根者卽此而頓淨四土。鈍根者亦依此而先脫苦輪。斯誠簡易直捷法門。然亦實非草草。彌陀經云。不可以少善根福德因緣得生彼國。一日乃至七日。執持名號。一心不

亂。卽得往生。觀一心不亂之語。縱未斷惑。可不伏惑耶。倘娑婆事業。在在牽繫。遇五欲時。如膠如漆。遇逆緣時。結恨懷窪。而欲命終。彌陀接引。此決不可得之數也。又觀經云。逆惡之人。臨終十念皆得往生。觀臨終十念之語。必有深遠善根。今日中浩浩逆順境緣現時。便不復有正念。何況夢中。夢中尚無一念。何況臨終。且臨終苦相現時。止藉善友提撕之力。今青天白日。尚不能於明師良友。真實格言。信受奉行。當臨終時。安能保得善友。現前設令。現前開示。而神識昏

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

迷復安能保其信解。此又決不可得之數也。至于五悔法門。本爲衆生無知造罪無可奈何。今教以發露披忱修來改往。故曰。懺者稽額求哀悔者誓不更造。試觀逆順十心。何等痛切懇到。殊非可視爲悠悠泛泛者。兼以四法助成此行。勸請以滅謗法魔障。隨喜以滅嫉妒重障。回向滅慳貪著三有障。發願滅退失喜忘誤障。更有作法取相無生三種懺義。作法則依律所說對首懺悔。取相則嚴淨道場。專求感應。無生則淡觀實相斷煩惱源。倘旋懺旋犯作法之所不許。

既不能依律作法。必不能招賢感聖。既不能獲覩聖賢一色一相。又何能頓證聖賢清淨法身。故三種法前前不兼後而能通後。後後必具前而不廢前也。由此觀之。淨土法門藥也。娑婆愛嗔忌也。五悔法門藥也。不斷相續忌也。甫服其藥又觸其忌可乎。故慈雲大師合此二種妙巧方便迹爲往生懺儀。而明方便法中。則云行人各有無始惡習。速求捨離。乃至勿使行法。唐喪其功。藥忌昭然亦可思矣。而或者謂若聞白毫名字。所得功德不可限量。若聞一佛二菩薩名。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

能滅無數劫罪。豈現前惡法所能較敵。噫誤矣。獨不觀占察經耶。經稱地藏菩薩大悲願力。諸大菩薩皆不能及。救苦之心更爲懇切。而其言曰。能聞我名者。謂得決定信利益行故。若雜亂垢心。雖復稱誦我之名字。而不名爲聞。以不能生決定信解故。蓋雜亂則無定。不與奢摩他相應。垢則無慧。不與毘婆舍那相應。不與此二妙觀相應。則不知地藏法身與諸佛法身自己法身無二無別。故不名爲聞也。智者大師釋十六觀經題必約三德秘藏。釋法華經題乃以九旬。

談妙。故曰。若聞首題名字。所得功德不可限量。若不如所解釋。安獲無量功德。今雜亂垢心。聞猶不聞。僅僅種一最遠緣因。而現行煩惱。正自熾然不息。欲以此而脫苦輪。不啻以杯水救車薪之火也。逮臨終無驗。翻疑佛法不靈。自誤誤他。墮謗法罪。譬如服醫王藥。隨卽食其所忌。不惟病莫能愈。反致喪身。遂謂醫王殺人。衆生顛倒。至此極矣。獨放生一事。捐所愛資財。以贖彼命。弊端略少。但須諦思。彼雖同性。猶屬異體。尚須救之。况同體之人。何容于中。妄隔怨親。愛憎。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不息此則慈心三昧平等法門最易修持。卽以此心而念佛禮懺淡觀心佛衆生三無差別。又諦信佛語了知佛法無人說雖慧莫能了。慎勿杜撰穿鑿又諦信佛語善知識者是得道大因緣是全梵行不惜身命。淡心奉事求其決擇則超生脫死庶幾有分。如或不然凝守此一法門毫無智慧方便自謂千穩百當。一旦四大分張依舊如落湯螃蟹哀哉痛哉智者大師云今人雖入道場懺悔惡心不轉則惡業不壞無益苦行唐喪劬勞如確臼上下竟有何益古聖誠言

安可不熟思而猛省也雖然法華舉手低頭皆成佛道優俳戲著袈裟猶爲遠因則六時勤苦豈全無用但緣因力弱恐不能敵現業流注耳。象巖開士希心淨土要諸同志結往生懺社用表上求佛道復買放生命以表下化衆生悲智並運將此菩提心爲往生正行志亦可尚予因申其說而示之俾知由名字而入觀行由六根而策進分真則四種佛土同于一心中淨不致如外道之無益苦行卽見聞隨喜者亦種未來希有種子是所願也

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

聞修社序

麗澤之誼不講則身心性命之學荒矣。是以儒重以文會友。以友輔仁。佛稱善知識者。是得道大因緣是全梵行。世出世法未有不以友朋爲急務者。顧時流之衰也。社或以酒或以射。或以詩賦。或以登臨。縱耳目之欲。長放逸之門。不惟儒者爲然。釋子亦流入此中久矣。嗟嗟。曾不思剃髮染衣。所爲何事。羣居終日。將欲何爲。縱不至耽花嗜酒。如在家人。而區區然尋章摘句。僅塗口耳。幾時得識心達本源耶。而或者見

此弊端。因噎廢飯。遂單尚蒲團活計。旣未明道眼。又乏切磋琢磨之益。設非釘椿搖櫓。空喪天日。必至起見。起慢落塹。墮坑。古人訶爲暗證邪禪病。尤甚於說食數寶。自非真實。有智慧徹底爲生死者。孰能出此二種牢關。別作一番商究。有一乘開士。與法海求寂。目擊流弊。心切遠憂。奮然思有以振其頽風。邀諸同志。締一法社。每年四會。每會三日。導之以懺摩。質之以經論。庶幾目足並運。速入清涼大池。向予問名。徵序。予合掌隨喜。目其社曰聞修。聞能生實慧。如膏助

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

火聞法不修行。如聾奏音樂。今自修于九旬而互聞于三日。三日之中。猶不廢修。九旬之內。自不缺聞。從聞起修。思固不待言矣。三慧自淑。自利功成。三慧相勉。利他行顯。諸上善人。惟在堅其志。虛其心。實其脚。跟防其流弊。則正法再明。在此一舉。慎無視作小小因緣也。

靈隱禪兄行邊草序

心機有動靜。蘊結而爲天地。天地有靈氣。復蘊結而爲聖賢豪傑。聖賢豪傑之精神。又蘊結而爲德業。爲

事功。爲經。爲論。爲文。爲詩。經論尚已。詩文之道。固亦非易言者。以詩文爲詩文。摭華則美。覈實則無。彼亦烏知文者性之彩。而詩者心之聲哉。心何以聲。韓愈所謂物不得其平。則鳴也。夫物之不平。物之情也。知物非物。則知其平。知其平。愈知其不平。知平與不平。而鳴愈有不容已者。其行邊草之謂乎。其鳴也。從行得之。非以鳴得之。得之於行。鳴亦行也。悟之於鳴。行亦鳴也。世特見靈兄之鳴耳。烏知其所行。予固非知鳴者。而特因其行以知其鳴。觀其秋日送友詩云。天

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

涯虛鶴伴。野外任狐羣。夫旣已代我之鳴。予從此可以不自鳴而寄鳴于靈兄矣。爰寄於行邊草序。

題跋

題對峰禪師血書受戒文後

夫心佛衆生本無差別。以不達自性清淨而爲客塵所汙。遂有三界升沈之苦。故欲出苦輪莫先持戒。欲淨戒根莫先海過經云。波羅提木叉是衆等大師。又云。有二種健兒。一者自不作罪。二者作已能悔。乃末世比丘旣毀梵行復事覆藏。如戴高山履于巨海。雖

遇真善知識亦安能爲之救濟哉。予讀對峰弘師血書誓文。歷年幾四十載。手澤如新。一傳於鑒空寧公。再傳於智度泓公。匪藉堅固大願弗克有此。梵網謂明人忍慧強能持。如是法詎不信然。然則此一誓文當與戒性同其不壞。普令未來若見若聞同悟自性清淨戒體。不異親稟受於紫柏大師前耳。

刻十二頭陀經跋

頭陀以抖擻塵勞爲義。具有十二種法。迦葉尊者終身奉行。弗替。世尊謂正法住世。全賴此人。迨茲未運。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

且以留鬚養髮當之。尚不知比丘戒爲何事。矧知頭陀行爲何法耶。予曩在徑山。因晒藏次。得茲妙典。心竊欣慕。錄而梓之。雲棲雖根劣。僥持其一二。然一番展讀。輒愧感。例諸賢達。想亦當爾。今夏安居靈谷。仍於藏中錄出。以公二三同志。獨一門禪兄。毅然付諸剞劂。此其荷擔正法之心。真不減老迦葉。波即如來。亦當熙怡微笑以印之也。伏願見聞隨喜者。同發增上心。少多奉行。庶重興正法。不日可望耳。

血書諸品經跋

予每念大法難值。如優曇花。故於戊辰秋。瀝舌端血。倣書梵網地藏等經。而沙彌鉢公擬集諸經要品。合爲一帙。以便誦持。余未及爲寫也。今事冗病增。不復能竣前事。簡諸篋中。僅得數品。鉢公歡喜頂受。且乞一言。以爲警策。余謂警策別無他術。直須顧名思義。無惡不息。無慈不行。則三藏十二部。皆沙彌二字註脚耳。卽如此帙。首以決定明誨。次以安樂行品。次以十二頭陀。次以八大人覺。次以大乘戒經。無非息衆惡之源。而廣慈悲之道。又次以寶華敷會。得聞十方。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

佛名而終以勢至圓通攝歸西方淨土。噫。具諸戒行。讀誦大乘。上品上生斯其券矣。然吾聞天台有云。一生因。皆得判於九品。隨治惑之淺深分位次之高下。是則三階四土實地。疑城祇應問心。不惟論事。誠能藉教觀心。循名責實。庶幾不負四恩。不負歡喜。頂受最初一念也。予故合掌而爲之跋。

巢松法王手卷跋

予在俗時。曾一訪巢法王于望亭。雖未及落草盤桓。見其飲人以和竊爲心醉。未幾巢師示寂。予亦出家。

有脚。每見江南學人猶頌師德。不置而默口同音。所最稱者無若戒根清淨及體悉學人二事。予於是益服膺師之爲人。今師雖往而高孫自芳。尚能珍此手蹟。蓋不惟列爲寶。其多爲家珍。殆有繼志述事之思。以光乃祖厚德者乎。於是爲法門喜而不能不爲芳公規也。古人云。見過於師方堪傳授。見與師齊減。師半德巢師出雪浪之門。而戒律精嚴。過之故得名馳海內。今芳公更加以禪禪。修之力如說而行。如行而說。一洗近日講席之陋。則不惟堪藉此以酬巢

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

師之德亦可爲釋迦老子吐氣於末劫矣。勉之勉之。

水新居士持金剛經跋

自五祖以金剛印心。而此經遂爲人世之所受持。然世間衆生依語生解。不達^章宗。遂謂此經一味蕩相明空。是大失無住生心之旨也。經云。後五百歲。有持戒修福者。於此章句能生信心。又云。得阿耨菩提者。於法不說斷滅相。噫。只此二語可以思矣。蓋無住二字。所以超凡外之著有。生心二字。所以超二乘之沈空。又無住則十界俱非。生心則十界俱卽。遮照同時。

生佛不二。性不可壞。名爲金剛。智不可昏。名爲般若。中流兩岸一齊坐。斷名到彼岸。人人本具。名爲理。經詮此妙義。名爲教經。依教起觀。名爲行經。悟入本性。名爲果經。當知文字般若。^{卷五} 照實相非。一非異。如此受持。可不次第。字而談解脫。可以救空宗之失矣。水新居士題之。^{正法華三十卷之一} 載其大

刻校正梵網上下跋

梵網之流通東土也。自羅什法師始。而下卷之獨弘傳也。則自智者大師始。大師之時。道法盛而根性利。

20 1 2 3 4 5 6 7 8 9 30 1 2 3 4 5 6 7 8 9 30

受學之人。罔不博通教典。淹洽大乘。故獨揭重輕。戒相以便行持。當今之世。根旨鈍而學日荒。登壇秉戒。徒掛虛名心地。法門本無。川曉既不能廣學多聞。并此上卷而尚未寓目。安能於三十心中。一一解其次第法用。旣一一不解。一切法不知。卽爲自欺。詐亦欺。詐他人。儼然稱爲菩薩戒弟子。寧不汙于至教乎。濫膺法服。憂切杞人。擬合註上下。以廣流通。欲謀梓梵本。以便讀誦。適遇洲居士。夙乘悲願。先得我心。手寫靈文。付諸剞劂。但上卷久秘藏。下差譌。猶少。下卷浪。

傳人世。亥豕實多。茲所據者。雲棲古本。雅合義疏的可依承。又智者義疏。從偈頌爲開章。而經名梵網因緣。卽已懸指上卷。乃藏本相傳。則上卷終於十地。將付囑奉持之文。反置下卷之首。今細玩文義。從賢劫品中說以上。確是上卷結文。從爾時釋迦以下。確是下卷序文。旣每朝刻藏。往往有分一卷爲二卷。合二卷爲一卷之例。今未嘗擅更一字。但以義定其節段。諒亦無過。至於重輕戒相。本是疏家科文。不應竄入經內。藏本原無。今但別列於後。又此戒相傳。自先賢。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

智者雖仍用之已有二三不定。今依律藏推析不無
更有可商。爰註各條之下以便酌取其讀誦者審知
較正之意。則可以因文解義。因解起修。因修顯性。方
信未成佛與已成佛實無二體。既百千恒河沙法門。
可以攝入一毛頭許。則百阿僧祇劫勤苦修行亦可
圓歸一念。普願見聞隨喜讀誦受持。同悟梵網明珠。
頓契本源心地。庶不負書刻流通之願也。

刻頭陀遺教二經跋

蓮洲居士旣梓梵網上下復書頭陀遺教二經合刻

流通有議者曰。大小兩乘如冰如炭。教道既別。旨趣
天殊。梵網心地則利生涉俗。不捨塵勞。遺教頭陀則
物外蕭然。惟祈自了。離之雙美合乃兩傷。今併歸一
函。不令誦者泣岐乎。解之者曰。是不然也。兩乘雖別。
金口是同。日月照臨並行不悖。正可顯法門無礙耳。
又解者曰。是亦不然。菩薩固有二種。智增上者先空
後假。悲增上者先假後空。方便多門。歸元無二。又何
惑焉。予曰。嘻。此皆未達聖教之微旨。未識流通之妙
意者也。夫從井救人。宣尼所否。甕外運甕。舉世所知。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂
卷五
四
豈有自疾不療能療他人者。嬰兒病行聖梵同符天
行未明徒增戲論故華嚴二普唱酬名爲離世間品
倘非豎頭陀精進之幢奉遺教遠離之戒何能深入
梵網心地法門頓與三賢十聖把臂而不被愛見所
吞噬耶。菩薩戒本經云。聲聞深樂涅槃畏厭煩惱百
千萬倍不及菩薩深樂涅槃畏厭煩惱謂諸聲聞但
爲自利菩薩不爾普爲衆生。彼習不染汙心勝阿羅
漢成就有漏離諸煩惱讀此一章羣疑頓釋梵網心
地與頭陀遺教恰恰相成非前非後可謂合則雙美

離乃兩傷頗讀誦者念念以無著心行菩薩道當下
遊戲梵網法門念念以菩提心修遠離行究竟不墮
聲聞辟支佛地普門示現照五蘊皆空而度苦厄地
湧高流住下方空中而弘法華不惟如春蘭秋菊正
是一鼻孔出氣也。思之修之庶不虛讀誦之良緣矣
卷五
血書法華經跋
刺血書經之事攝歸于普賢行海條列爲梵網戒章
是以自古及今行之者代不乏人特其所以然之故
則未有揭示於行人者致令狂慧之徒蔑視爲有相

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法門亦可歎也。殊不知吾人無始生死根本。莫甚于身見。故出世妙法。莫先於摧破薩迦耶山。薩迦耶見一破。則生死之輪永息。是名尊重正法。是名以法供養。如來卽此經及楞嚴經。渙歎然指然香功德。亦以此耳。而或者謂斷煩惱臂然無明。身豈在區區血肉之間。是則固是。筆奈衆生結習濃厚。只此虛幻血肉愛之如蜜牢。不能捨。何況煩惱無明。奚能立斷。所以僧問紫柏大師云。如何是生死根本。師曰。只汝身是。僧云。若此身是生死根本。死了便出生死。師震威一

喝。嗚呼。大人作用。豈義學之徒所知。蓋大師實從毘舍浮佛半偈悟徹。故示人自親切也。今人若能刺血。然脊。縱未明所以然之理。亦爲破身見前茅。倘高談理性。不入行門。身見高山。何由摧碎。是以予每見行此妙行。必深心隨喜。况復妙法蓮華經。開權顯實。舉手低頭。皆成佛道。一入斯門。無論了與未了。直下即得究竟。倘人人盡如寄南開士。發此心行此行。不但靈山一會。儼然未散。安知支那邊地。不三變而成淨土也。開士卽紫柏法孫。必能悟紫柏一喝意旨。他年

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

坐道場時紫柏當湧寶塔以證之矣

雲麓居士持金剛經跋

大般若經云有諸菩薩成就開智能於一句中解無量義有諸菩薩成就演智能於一句義作無量說所以般若一法或作六百卷說或作三十卷說或作一卷說或作一章說廣略雖種種不同其與甚深般若相應則一也苟得菩薩開演二智則多亦無礙少亦無礙若但作語言文字觀卽般若二字已自葛藤不少又非直攀枝附葉者爲有過也末世法師心無實

悟徒向口耳邊起見或喜繁文或喜簡略總名徧計情執何由入佛智慧佛智慧者如人有目日光明照見種種色一中解無量無量中解一荆棘林中橫身直過潔白地上掉臂不留又何必捨一從一以誇直捷哉維摩經云無離文字說於解脫法華經云言辭相寂滅故知四依大士弘演科章橫說豎說皆與般若不相違背其未達者自繞葛藤本非說法之過設欲掃之而衆生處處生著於要言不繁中亦滯情塵未必便能薦取所以古人云若以不立文字爲高只

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

此不立二字。卽是文字廢多執少。癡執彌深。詎思得鳥者網之一目。不可以一目而廢衆目。收功者棋之一著。不可以一著而廢衆著。願讀誦者。由心經一章而進之金剛一卷。由金剛一卷而進於摩訶般若三十大般若六百。由般若六百而進於三藏十二部支那種種撰述。透盡言說差別之旨。總歸理性般若之宗。則文字觀照實相舉一卽三。言三卽一。左右逢源不可思議。孰爲根本。孰爲枝蔓。回視固守簡易。自稱直截明白者。真不啻夜郎王矣。偈曰。太阿藏匣已驚。

神舉向當陽。不用硎錯節盤根迎刃解。虛空割碎豈留痕。

淨信堂初集卷之五

助刻芳名

顧起貞二兩 寶淨漸一兩 李淨滿一兩
何傳照一兩 葉淨漢一兩 徐淨測一兩
項淨淑五錢

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂初集 卷五

五十

賈參道一函 藝學錄一函 茶香齋一函
讀書錄一函 賈半齋一函 本草綱目一函
易經卷一函

淨信堂初集卷之五

淨信堂初集卷六

満益道人智旭著

果海錄

書簡

寄母親書

甲子正月初三日方外不肖男智旭敬然臂香刺舌
血合十奉白母親大人膝下不肖從幼卽蒙庭訓少
長便以道學自任寧不知父宜葬母宜養後嗣宜續
功名宜就乃甘犯不謹竟爾毀形此一點苦心所不
敢明言而又不忍不言者也兩大人俱年四十方舉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不肖實繇白衣大悲咒力。滇南之夢星家之語俱不可誣。不肖年甫二十。父遂棄世。未展一日孝養。是以號天慟地。痛切肺肝。次年從金陵扶祖柩歸。偶至星家問吾母壽算。并問自身運數。星家報言。足下運數通將不久。但尊堂壽算恐六十二三。必有節限。適聞此語。心怖毛豎。遂於佛前立深誓願。寧減我壽算薄我功名。必冀我母得臻上壽。今年六十二三。安隱無恙。益知三寶威力。不可誣矣。但生死一事。人人有之。靜夜深思。真可怖畏。且如大母舅宦情正濃。而忽殞

虞表姪。年猶未壯。而早亡。身命無常。喻如朝露。大限欲至。老少莫逃。苦海茫茫。誰能免者。倘不早圖出世。正恐追悔無及。故決志捨家。了此積迷長夢。庶得大報親恩。若云待母百年後。方行剃染。此實進退失措。夫旣切思離俗。倘萌一相待之心。豈是求益母壽之念。而吾母又安能保不肖無中天耶。夫吾母所期於不肖者。不過生育功名二事耳。而生育一事。世間苦本。况有定數。功名一事。亦有定數。且青雲得志難敵生死。如大母舅即是殷鑒。何如地藏大士。日連尊者。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

累劫親恩皆蒙度脫之爲孝也。况不肖少年無知。從
邪師教誣。詈大士時。吾母曾痛下鉗錘。則知吾母具
大信根。今不肖改過從善。志在出世。正應隨喜助成。
豈應反作障難哉。本欲先事奉白。恐吾母愛情難割。
不得不硬却心腸。潛行方便。今獲廁僧倫。一載有餘。
又恐母日夜懸念。故於三寶前。然香刺血。寄書遠達。
伏祈吾母勿事勞思。惟當努力念佛。求出輪迴。諸親
眷屬。倘有可化度者。皆以此意而開示之。將來同爲
菩提法親。幸甚幸甚。

寄剃度雪嶺老師

自別慈顏。忽將三載。始則棄捐筆硯。既復疲於書寫。
宛轉蹉跎。竟不及通一音問。罪歎可知。然生平所自信者。
捨身捨命。惟爲荷擔正法。摧伏魔外。決不作爲名爲利。
爲求自度之事。將此深身奉塵刹。是則名爲報佛恩。是則
名爲利。第一可痛哭者。昆尼之法。乃三學初基。出
世根本。僧寶所繇得名。正法賴以住世。而罕有師承。
多諸訛謬。遂令正法墜地。僧倫斷絕。豈非可痛哭。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

可痛哭者。三藏十二部皆修行之徑出苦之要。而依文解義者。固知觀心廢先哲之舊章。塗一時之口耳。遂令禪門訶爲葛藤。訶爲糟粕。豈非可痛。第三可痛哭者。宗門一著。本爲上上根人點鐵成金。而今但作門庭施設。或作道理商量。是以不墮狂罔無知。便墮雜毒。知見卽或更有去其施設。掃其道理。多落暗證。窠臼。盲修瞎鍊。實是險途。無上妙法流弊至此。豈非可痛。第一可哀愍者。借佛法以圖名利。無真實爲人之心。乃至恪法恪財等。第二可哀愍者。但知已長。不

知人長。但見人短。不見己短。株守一得向。無佛處稱尊。不能放下面皮。打破局量。從千人萬人脚跟下穿過。尚千人萬人頂額上放光。第三可哀愍者。但欲爲大以欺佛。不思三界之無安。便言淨土不必生彌陀不必念。中郎居士判爲惟心障。圓實障。千古確論。救時神丹也。吾師向者密承匡山大師記。荊知必念及時艱。更有甚於不肖者。側聞智度曇隱述師近况。率諸梵侶。讚誦大乘闡揚妙義。實悵鄙懷。然時丁未運。非具大忍力。大願力。大智力。大巧便力。則驩虞小補。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

何當至治。禮云。事師無犯無隱。世法旣爾。佛法想亦當然。知吾師必能慈諒。不以狂妄見罪也。博山無異老師。雖見處未徹源底。實有苦功操履。故得至此。且其婆心片片。雅量冲懷。於近時知識真可稱巨擘矣。不肖因送惺谷道兄。薙髮早春入山。遂偕至南都。冷觀景況。殊足開發生平所短。雖不服其藥。而互相感觸。蓋互相得益。方知古人所謂藉境鍊心。從緣薦得等語。誠不我欺。然非惺谷道兄。不能打破不肖舊時軌度。此兄爲泉南第一豪傑。正見卓絕。是不肖第一

畏友。更有一二同志。無不赤心精膽。切爲法門。秋間同過吳門。必當相謁。未審吾師能別出手眼。收入保社否。便中草此。不勝隕越之至。

問茂林律主

老師嚴淨昆尼。接引後學。不肖雖食德化。未奉玄音。適趨方丈。復值飛錫他方。弗獲。請益爲耿竊。嘗再閑律藏。質諸近時戒儀。頗多矛盾。敢詢大方。伏祈裁答。且如登壇受具。有難止許三人。過四便不得戒。今何一授。輒數十人。此出何典。又如三衣定制。不過豎三。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

橫五今則豎三橫六致令左臂疊作三重復出何典。又如非時食戒本無開聽今稱七不過午復出何典。又如觀水觀時是名律師一線過中終不下咽時懷非想猶結吉羅。今午齋每至未申復據何典其餘訛謬更不易數倘許細商容當續問

又

不肖鴦劣之質復生像季信樂甫萌先哲已逝深悲業重篤志毘尼遵如來之明訓矢五夏以專精大小備閱已經兩度討究抄錄亦旣數番雖爲五乳法眷

實願私淑雲棲顧雲棲者宿鮮有以弘律爲任者。每欲質問而無從耳。惟老師德曠俱尊福望並盛人天師範未代津梁故傾渴翹勤欲申咨決豈敢故爲難問。以虛探實幸老師慈鑒而卒教之勿作是非人我會也。竊聞古人云經論二藏說通五人惟有戒經如來自說等覺以下猶非所堪譬諸禮樂征伐自天子出又迦葉白椎云是佛所制者不應却非佛所制者不應制此豈非千古不易之典也。即如逐人受戒大難方許三人不惟出在僧祇卽根本四分等皆有明

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

文後賢縱或憚繁如何轍違佛制。且得戒不得戒。關係匪小。豈因雲棲大師所行便可置諸不辨。將所稱學戒者爲學何事。又如三衣止許長三肘闊五肘。過是數者步步結等流罪。乃至與佛衣等量便結第三篇罪。此與迦緇那衣自不相干。迦緇那名功德衣。五條十隔受捨各有定時。今有多時但持此衣用當三衣者。訛謬更不必言矣。又如律中八種十種開聽。本謂展轉食別衆食及不作餘食法而食。皆屬上午。豈屬非時食也。非時食戒中云。若有服吐下藥者。止許

煮麥不令頭破濾汁飲之。不聞有權開也不肖所據者。惟是律藏五百餘卷。所以一線過午。便不敢食。每遇途中失於正食。遂至忍餓經宵。或有未入藏經具他方便亦未可知。以老師見聞廣博。必達開遮之致。所以虛心請教。况戒經云。若爲知爲學。故應難問。倘言不干典。則非智者所談。安得置諸勿論。又律中離衣宿者。結罪固有明文。不肖從不敢犯。若夫不持鉢之結罪五部。皆所不載。想更有出在他經者。不肖實未見耳。又如絲綿絹帛不肖在家。先已斷絕。然在經

文乃充類至盡之言。非以此爲破戒。未可稱爲大端。
而過中受食。咽結第三篇罪恐亦未是小節。夫渡
海浮囊雖芥子許。猶不可捨。况第三篇罪喻如手掌。
顧可弗愛惜耶。每痛近時禪和。但逞狂解。撥教掃律。
終日掠虛不知務實。種種惡態誠如所云。不肖厭之。
已久無勞明誨。然正法將頽。設非解行。雙美難以障。
其狂濶三學相階。始克有濟。中流砥柱。捨師就望。老
師秉佛遺教。弘演毘尼。正法在世。賴此一人。不肖景
仰。旣深諮詢斯切憂懷。嬰杵乃布腹心。倘不蒙攝受。

麾諸界外。則操戈之謂。其誰以歸古者忠臣事君。尚
能國爾。忘家公爾。忘私。况我等爲法王臣下。茲艱運
豈應堅豎門庭。橫爭勝負。甘令正法掃地耶。伏冀垂
詳。不勝欣荷。

復卓左車

來書附

叅究念佛論。曾著筆否。此一種光明照耀淨土。超
過日月。爲此世界當機文句定不可少。今時叅學
人。儻侗鵠突。辜負雲棲一片婆心。非禪師不能精
析。若此但願爲雲棲作功臣。不必爲雲棲作爭子。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

其中隱義昨條陳頗悉獨吾師所指事持理持二語尚欲直言以相諮詢蓋一心稱名有事有理此是天台本文彼以存念屬事觀炤屬理此以憶念體究分理事二持亦何不可但理持本是觀力而云與疑情相似此中大須著眼如昨所云耳此論一出關係不小故特致此狂瞽願師一折衷之

參究念佛論承命勉強著筆矣又來論謂一心持名有事有理者天台本意蓋謂正存念時三觀之理法爾具足則理非事外無分屬也合家三觀不異三諦

非藉修成故名性具豈捨存念之事別有觀炤之理若所云與疑情相似者謂體究卽是事而所究者卽是理亦非理事判然兩途但一從解入一從疑入所以僅云相似乃雲棲下語斟酌處也此意曩已述於偶談故論中不復贅及謹此附答惟居士詳之

又來東附

雲棲以禪淨二途併歸一路單提參究念佛乃此一門中淆訛滋甚本欲棲心淨域翻至攝入宗門兼帶之中頗多疑義因檢疏鈔一書別出幾種問

難敬就茲法啓請入門聞谷無異二師皆將垂答
尚未緘寄伏乞大弘法海開我迷雲不惜廉纖兼
及餘義接蓮池之滴水傳淨土之一燈卽是宗通
母辭義路

淨土一門乃三世諸佛攝受衆生第一方便非創自
雲棲也凡爲佛弟子者便應極力弘揚又豈僅雲棲
法裔之責獨可恨者蓮大師本意原欲攝禪歸淨而
其子若孫翻至破淨成禪清訛公案貧衲扼腕久矣
况曩日先師翁曾有淨土會語論輔翼蓮翁法輪今

居士以大悲心必欲究竟此門之訛謬則貧衲亦安
敢不竭力以續慈翁之故武也

寄雪航楫公

暮春歸一師來曾刺血作書以達足下竟不得一回
信悵悵何已月心歸愴惄不及修東嗣聞伯母西歸
且悲且喜已誦梵綱經一卷以申薦拔更有餘念未
盡俟歸時惟吾兄命作何事耳吾兄世界旣畢今得
專心致志作出世事必須脫皮換骨洗腸滌胃不惟
奪采時流直須追踪先哲不惟超勝我等直當駕越

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂稿集 卷六
前人方不負佛恩。不負親恩。不負己靈。亦不負道友。
苦心苦口。不然念念中具足四負。正恐從前所作。他
能代受。從後所作。旭且欲代而無從也。知吾兄高明
直諒。決有自立之分。然責在他山。不嫌過慮。所謂寧
失於直。毋失於諛耳。秋杪準擬握手龍居。永矢蓮社。
勉旃自愛。拭目俟之。

答智龍泰公

曩在善世。交臂相失。不意向筆舌間相見。此夙緣有
在也。遠承下問。稔知爲法演心。較諸諱疾忌醫者。何

啻天壤。誠末法中優曇。然俗語有云。識得破忍不過。
予嘗翻其案云。忍不過者只是識不破耳。真識得。破
決忍得過。今足下既自知病。亦知流俗之病。惟貴勇
於自療。而兼以療人。即是真實修行。便以一身爲京都。
創始移風易俗。自能四恩總報。三有均資。奚止三
皆無負而已。靈源清禪師有云。易衆人所難。而緩時
流之急。此二語乃學人頂門鉢。阿伽葉。願時時以茲
自勉。則棟梁有望也。蒙寄香信。無以爲報。先此附謝。

寄博山無異師伯

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

客歲親侍巾瓶。快覩大人作略。頓祛狹劣之懷。江頭拜別。忽經兩夏。身雖千里。神未嘗不在函丈間也。邇復得讀宗說等錫真可謂救病神丹。中流砥柱。信知佛法紀綱羣靈眼目。惟大師是賴矣。不肖因毘尼集要謬承印許。倍自悚惕。乃重閱全律。更加參訂。今始成書。以抄錄頗艱。尚未暇呈諸左右。又按梵綱戒經本是界外別圓二教獨菩薩法。其界內藏通二教出家菩薩無別戒法。同秉比丘律儀。但發心自度。卽名二乘。發心度人。斯名菩薩耳。然界內之機。不得捨本

位而空希界外。乃界外大士必須稟權法。而遊於界中。故菩薩比丘。迥與菩薩士女不同。近世咸謂小乘所制大乘悉開。比丘所執菩薩悉融。皆屬流言。並非實義。茲欲仰承道力。一正其訛。故復留心梵綱上卷擬與下卷合註。以彰宗旨。但上卷古無疏釋。近止有紹覺師。一雨師等三四家解。亦屬草創。未可全依。聊竭一隙之明。用廣流通之益。所冀慈心冥被。與其智力庶得文義共敷。正法再朗。遵如來最後之訓。副大師救時之思也。俟諸冊備成。當圖匍匐請政。茲不縷

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂稿集 卷六

縷臨楮隕越不知所云

寄了因

舊歲到山見賢契不染流俗不棄前言喜甚近有人自山到杭述賢契備辦衣鉢密持過午有飄然遠舉之志此意雖妙但年旣未壯世態亦惡切不可輕爲去就往往有人好心行脚一遇惡緣高者退其道心卑者與之俱化非具大智慧大力量罕能出類拔萃也圓覺經云一切衆生身心皆是無明欲求智慧須親善友然求善友於末世亦甚難言有少多行門者勉旃勉旃

智眼昏昧。有少多學識者。行業荒蕪於中棄短取長先須自眼端正。否則無不憒憒耳。吾九月盡本擬到山一會爲雨所阻。今禁足瑞光正月半後出足多分到山。幸安心耐守勿躁率也。令師令師叔處皆爲我致意。凡待上輩之禮有善則從臾成之。有過則委婉規之。教我以善則亟勉從之。訓我非道則柔和謝之。可以自淑。可以格人。果能盡聽吾言。不患不成法器。勉旃勉旃。

與曹源洵公

10 1 2 3 4 5 6 7 8 9 20 1 2 3 4 5 6 7 8 9 30

背出梵網并戒本二種甚妙。當今律學荒蕪殊無有人發心一力擔荷。不肖雖夢寐中未嘗不切切嘆息。倘老弟能躬行之。真可上報佛恩而不肖則又銘刻慈恩不淺矣。區區標釋亦奚足酬其萬一耶。不肖每自檢點生平一無所長。獨忘身爲法一念。則天日可表從初至今未嘗稍變。倘有能諒我此念者。則一切服勞咸所甘心。實不在世法名謂間也。願足下直下承當置身於千古聖賢之列。而不屑爲隨波逐浪之人。言行相顧。心迹相符。終始不二。幽明無間。不肖當

生生世世爲影響衆助揚法化。又豈敢恒以師兄自居哉。乾三居士云。台宗是廢書。惟吾廢人讀之。予謂律宗尤爲廢書。而我之爲人。亦尤廢於乾三。然世間之法窮則變。變則通。故云否極泰來。又云臭腐化爲神奇。安知不肖所謂廢極者。至足下而不煥然一興變耶。語云。家無滯貨不富。今天下人人逐炎而終不見其大有所成。則反例寒灰枯木。或不無駭發時也。又何羨而何畏耶。然重興正法。革弊挽流。非具大智慧大忍力。誠不易言。故憨翁云。學道人第一要骨氣。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

劄。次要識量大。次要生死心切。夫劄則不爲情欲所靡。大則不被目前所轉。切則不順習氣所趨。卽靈源禪師所謂易世俗所難而緩時流之急。乃吾輩第一良藥。幸時時服之。勿懼其苦口。而使積刦沉疴。終於不療也。每念及法門之憂。不覺眼欲墮血。楮筆有盡。而血淚無窮。是在知我愛我者。分我憂慰我望耳。

與歸一兄

汝航到知吾兄在真寂院。卽欲趨見。以太晚且有雨而止。是夜夢與兄相見。正叩首時。不覺失聲大哭。惺

兄呼至。再三乃醒。嗚呼。半生遊歷。知我寥寥。一點苦心。擬將誰憇。夢中向吾兄而悲泣。固有因耳。初三初四。雨如傾注。不能下山。初五乍霽。卽同智度急走瓶窑。匍匐五六十里。手足俱羸頓無狀。冀得一晤慈顏。而吾兄復之杭城矣。俯仰徘徊。益增惆悵。所願吾兄鑑我真心。憫我孤露。決無忘西小湖之約。他日倘佯於湖山之勝。而遊泳於法海之波。庶足償我今日之戚戚也。嚴冬漸逼。旅次萬萬。善爲珍攝。不肖今冬持呪瑞光。自茲向去。尚無定局。惟洞庭一境。則脉脉時

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

動於胸次。今九月中旬卽圖一往觀以預爲吾兄地矣。情緒萬端筆不能罄。統惟哀炤。

寄壁如兄

別來忽經兩夏懷想殊淡。每遇禪客自信州來必訊起居。稔知康勝爲慰。但未遑修一音問罪歉可知。毘尼集要旣蒙叅訂。復與歸一兄結冬永慶。再加討論。今已成書。金臺法師不日付梓。已借重尊名。并歸兄法諱。光炤萬禱矣。目下留都檀護共請重興律堂。天時人事似有適當其會者。但不肖福德眇薄。慧力衰。

微年輕學淺。胡能獨任此事。倘非老兄乘本願力發共濟心。恐未能補義天而浴法日。且閑藏八事。皆是老兄悲願。而病冗交攻。今仍未了。本約三昧酒消裏我臂力。尚當矢盟永刲。豈得食言。今生又讀老兄與聞師書。知與參究無緣。便可向有緣處入歸元。無二方便多門。入手不同。到家則一。均是佛祖法門。有何進退。勝負可容愛憎。取捨而必區區。博一丈夫名耶。况老兄本是雲棲法系。亦曾承事幽溪。雲棲則教律兼修。幽溪則教觀並舉。斯並苦海津梁。寧讓禪門直

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

指今管劉二居士結台社於蘇城北隅。不肖爲其條悉規範歸一。不忘師養恬靜於洞庭小湖。不肖爲其經畫事宜。靈谷將起律堂棲霞每多精舍。主人卽廬山觀智師能講法而好賢善。三吳之地到處可以安身辦道。而又有善友時相晤言。願老兄決意飛錫同扶法運。淨名經云。菩薩於生死有畏者當依如來功德而住。如來功德者則是度脫衆生。目下博山捐世邪風熾然。吾輩既有菩提心願。豈忍晏然坐視。雖大事未了。不妨教學相半。自他兼利。若必欲先出生死。

怖厭濁世。卽是二乘種性。決不能生西方。生西方者貴在大菩提心。菩提心實若在。帶惑亦可往生。惟老兄圖之。爲法情深悲時志切。遂不覺叨叨至此。聖明不棄芻蕘。知不見罪也。壇中水齋持呪。無寸晷得暇。猶作此長語。一片苦心。亦可矜哀矣。

寄韓君博君起二居士

壽生之晤。倍見賢昆玉孝心純篤。孝道周至。不惟合宣聖之訓。亦雅當釋尊之典。合掌頌之。但尊公意實難挽回。倘拂其情。恐有意外不測之事。則於養志之

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

道似亦可商。况尊公必願披染。固是著相而賢。昆玉
因止斯舉。亦非忘相。旣二俱著相。一在出世。一偏在
世。昇沈是不同科。又一是父命。一是子情。從違亦不
應倒。反覆思之。高明自能裁其得失耳。不肖雖已極
力勸尊公緩之。恐不能挽回。故復以此言勸賢昆玉。
爲道爲情。乃作此漫語。知不我罪也。

與覺源法王

客秋曾作東附候。想不浮沈。仲春到武林。薄擬趨候。
巾瓶以病冗。交侵弗獲如願。爲耿。適有李清程居士。

擬邀十位法王。起六年講期於延壽院。續佛慧命。而
四衆所最仰者。則無如老師。老師夙披誓鎧。雖示退
藏。元非石隱。况玩讀紫柏全集。荷擔法門之念。當復
不啻十倍。人天普利。不肖拭目望之。目下衆相知渴
想尤甚。因在餓壇。不能躬叩座下。乞大慈俯應機感。
益徵至人無我也。附去夢餘集二帙。并祈電判開我
迷雲。餘不縷悉。

寄大叅劉心城

俄別忽將一月。懷想特甚。道履清勝否。期場日復增

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

盛否。靈法師及諸學士多奇義相辯析否。管居士時
相見否。貧衲離吳門至檇李。卽與惺谷瑩然諸公相
值。因會生生師渠欲結二十人社。起慈恩一宗。與大
蘇十玄爲鼎足。次至武林有程季清居士捐金一千
二百。於蓮居菴起六年長期。法師則新伊覺源以及
靈源古德金臺等十人。所講則始自華嚴玄談。終於
大般涅槃。以及天台賢首慈恩淨土等一切流通諸
典。而又首提木叉以範行人。定長隨一十六單以紹
法王子位。無不能宣揚妙義。猶如十六王子。貧衲及

壁如兄等。皆爲助喜。緣起文。則壁如椽筆。十法師當
各有偈頌。或長文。其跋語則貧衲叨任之規條已定。
先塵清覽瑩公禮新伊法師爲和尚。壁如兄爲教授
師。貧衲爲稟揭磨受具足戒。僧臘方新。慧辯益熾。台
宗之幸也。季清居士新安舊族。現居吳興。三月盡欲
過吳門。寓小日輝橋渠甚慕高誼。但未敢造次相謁。
居士樂道忘勢。或可先施耳。金闈佛法全賴居士。欲
弘卽中之道。今正是時。不可坐失機會。俾祖生先著
鞭也。便中附候。不盡欲言。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

寄歸一兄

道駕入閩之後曾兩致音問未知達左右否。一入新春無日不望飛錫武林。豈惟令兄懸念淡切弟且形於夢寐不啻再四矣。適晦文從謝店晤令兄述吾兄已於故國主一叢席似未得再遊斯地。弟聞之倍覺悽愴每念吾輩經歷數千里地閱世將十餘年相識不爲不多。投分不爲不廣。至於志意相孚肝膽相照學問相礪道誼相成者則惟二三兄弟耳。雖蓮盟已締千里同風然欲收切磋琢磨之益非會晤一堂豈

能慶快生平。兄卽桑梓機熟莫越緣慳獨能忘情於不肖乎。惺兄如兄皆大病垂危今方稍愈不肖以一身徧與衆會病冗雜沓不死爲幸但意實非好事吾名直以時丁未運法道陵夷衆生障重苟不隨自力量勉強支持期作一椽一柱而徒欲藉口恬退以自偷安寧不虛生浪死草木同腐明知大夏將傾非一本能支是以旣忘身擔荷復思廣求護持且烏必學飛也而後毛羽成舟必學操也而後江河濟松柏必歷寒暑也而後貞幹堅若以狐疑鼠竄之因而希

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

師行象顧之果恐必不可得。故直願以中興正法。不避斧鉞之心。作往生淨土正行斷。不敢謂西方極樂是先自度後度人。二乘棲神之地。未審老兄其謂之何。三吳佛事頗有否。極泰來之機。別後年餘勞心拂心之處固多。而慰心快心之事亦自不少。不能縷述。附去長期緣起及求寂懺文二篇。有以見其少分也。

與曹源

古人爲法忘軀。故能作奇特丈夫。炤古炤今。今人雖有大志。或體面放不下。或勞苦耐不得。遂以株守偷所深望耳。

與瑩然

法門零替全賴大豪傑維持。豪傑立身決以破我法。二執爲準的。若我執不破定不能作千古至人。若法執不破定不能弘如來正法。虛心潛想乃知斯言非孟浪耳。足下才魄真足以橫一世。是須開千古眼界。成千古學識。方不幸負已靈。否則縱再加十倍才魄。

忍亦僅同春草之榮。終非松柏之幹也。思之思之。

答瑩然

附來東

接手教知師爲我切而覘我深苟非木偶寧忘報耶。每思師遇我國士薦我名流而珠不形於筆舌者以士死知音劍酬心許。政不俟語言之喋喋也。捨已從人固爲善策。太阿倒授豈是良圖。丈夫處世一龍一蛇不必有意。自有氣數寓乎其間。執拘管見如此。乞慈宥之。幸甚。

讀來翰意欲置諸不答。然再四思惟。旣屬法門眷屬。

未可恝然。古人云。寧人負我。無我負人。不得不再以直言相告。卽如太阿倒授之喻。如何合法。若以台宗妙法爲太阿。則柄旣在我。豈獨能殺人。而不能活人。若以名分爲太阿。則謙乃自操其柄。傲便被人所操。吾不知良圖將安出也。又出處雖有氣數利生必假。渾和果是真龍。自然能大能小。能屈能伸。倘執拗之見。未忘則變化之用。安在五臺之龍現形如水蛭。隨喜者手能觸之。不礙其爲龍。陝中之蟠口吞全象。氣逼殺人。不免終爲蛇法。喻皎然請卽以已言思之。不

須病夫饑舌也。餘惟爲道爲生努力。筆不盡意。

與水林

尊體違和多因勞煩所致。旣值事緣又生厭苦不免更添一重公案。不涉本頭。加以幽憤。旣是第三重公案。更欲捨此而刻念彌陀。旣是第四重公案。旣云直往無算。又欲拂散疑雲。旣是第五重公案。公案愈多。相去益遠矣。豈不聞唯識論云。一切唯有識。有種種相轉。彼依識所變。則現前道場文疏等事。獨非識所變耶。若從自識所變。不應自識逼苦自識。又觀經云。

阿彌陀佛是法界身。則道場文疏等事。獨非彌陀身中事耶。卽此是彌陀。卽此是念彌陀。胡必於彌陀身中抱一捨一捨者。決不可捨。抱者亦決不可抱。若向不可捨不可抱處會取。則皎日當空。疑霧消散。性宗相宗一線穿却。世法佛法同條共貫矣。何如何如。台社之興。固在所願。但必與六年講社兩不相礙。方爲允當。否則不惟季清居士所不樂聞。恐亦非法門嘉象。煩足下極力周旋調攝。俾得盡善盡美。斯昭合彌陀大願耳。新師不別東。乞致鄙意。惺兄病已就痊。附

去誠語誓稿并相警偈有以知友誼之所存。蓋十七日立誓。十八日卽清楚。十九日卽持定過午。持過午後精神漸復亦足解世人畏過午之惑矣。又渠自舊年十一月間開過午後無一日不病直至於今。九死此誠語誓方得起死回生亦足爲世之不持齋戒者。警矣。曹源瑩然俱蒙護持爲謝。餘不縷悉。

復曹源

新師識論獨有苦心。幸潛神細玩。領其長處。誠能剏

際妄習便是深妙。倘決定收功之心未若農夫望秋
雖析義如繭絲牛毛。祇名麤淺耳。今人不解此意。故
多墮數實之誚。惟努力自勗。越出時人格量。斯法門
有幸矣。暑中珍重。筆不盡意。

又

不虞之譽君子不喜求全之毀達人不辭自反有愧終無怨於他人自反無愆更何嫌於衆口但以此持心不論時古時今也願吾弟亦以茲自立共期扶法運歸樂土耳諸相知不能徧及一一爲我致問

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

又

瑞光之諾實因竺公苦求不已乃勉強許之非不肖本願也今若得靈法王允俞卽我百二十斤擔子將此全身獨荷佛法豈不慶快生平是惟願渠速交割耳至於不肖弘法利生自有遠局如松柏久歷霜雪方得亭亭高秀豈願作春草榮枯僅在片時間哉况今法道陵夷不患無弘法地特患無弘法人是以周流吳越孜孜以結納賢傑爲務蓋欲易世俗所難緩時流之急期無忝於先哲殊不甘心作鄉愿竊名

利於目前先此附復餘俟自恣日定結冬處更有以報命也暑氣尚殷諸凡珍攝

與新伊法王

溽暑雖蒸法雨日霖使大眾普得清涼功德無量惟有遙申隨喜而已惺兄瘦若枯柴形同灰炭今日始進粥三四碗生機尚在渺茫如是兄亦大病幾絕今始稍愈竊念舊夏自病身雖羸而心逸今夏友病身雖健而心勞婆娑弊惡總無順適之時捨却安養更無可送想處矣然旣在此惡世決不應强求安適古

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

人云。自非聖人外寧必有內憂。又云。生於憂患死於安樂。不肖因舊夏自病。增明無常觀力。因今夏道友病。增長大悲念力。當知一切逆境。正是鍛鍊心性之具。達大師云。好金須火煉。好人須境驗。若無此等惡緣。便將如燕雀處堂。豈知三界是火宅。豈有自利利他之事。從中出耶。此意頗與老師共之。附去爲惺兄諸稿暇時觀之。有以知不肖之用心。相見在邇。不復多及。

寄不忘

師資水乳。慶快生平。千里遙聞。不勝喜慰。法音日挹圓解。日開上弘下化。端有望矣。但學人第一要務。貴在克除習氣。若誠以圓頓法津治夙習。不啻猛風吹散沙聚。實無艱險。倘習染不除。則談玄說妙。終屬有名無義。天台荆溪之道。恐不如斯。苦口良藥。同病皆堪服之。勿畏苦口。而甘使如來慧命夭喪也。誼切世外。聊獻芻蕘。能錫採納。乃成玄聖耳。

與攝三

圓頓大法塵劫難聞。得與勝會。確是多生善根。深厚。

切勿作容易想。每見多人於殊勝事種種障難或俗累。或病苦。或父母師長。或子孫眷屬。無量纏繞阻斷良緣。空具信慕。莫遂雅懷。及至得無障難者。反或信慕浮淺。衣衫不整。觸手捉經。如措大對舉業相似。又復惟記名言。專喜貼句。依文解義。甘爲三世佛冤釣利沽名。永背一乘出要。不惟入寶山而空手便回。正恐失袈裟而萬劫難復。好因緣是惡因緣。此之謂也。豈不痛哉。然番手覆手。本無二手。切勿因噎廢飯。便謂離了講社。方可修行。須知如來說教。諸祖弘經。並

是開衆生眼目。作劫濁津梁。若不向此中著眼。便是盲修瞎煉。今欲不犯末世惡習。不負往因現緣。第一要信得諸佛境界。實是吾人各具境界。本無差別。不生退怯。第二要仰企諸佛慚愧已靈。句句會歸自身。不可說食數寶。第三要虛心樂善。凡同會中稍有長者。皆師之友之。第四要悲愍一切。凡相知者。可以此意相徹。不惜苦口。第五要恕人厚已。凡同會中有不如法者。生哀憐心。勿見其過。應識破近時學者。有二大病。一者見他放逸。生隨流心。二者見他放逸。生憍

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

慢心雖清濁稍殊增長生死則一甚可懼也。惟賢契品格淳厚機緣順適誠夙有靈苗方堪如此。自利利他不卜可知。聊盡蕩蕪以益明聖耳。水林德輶諸公并社中同心者皆可以此東似之餘不同調者則不必增其障嫉也。

與水林

末世極惡流弊別無他事只是有名無義耳。一事如此事事皆然不可不慎思而篤行也。唯識公案已置高閣玄談實益急須著眼。他日卽以此爲受戒左券。

不肖憂在法門故下此毒口萬勿作生滅會也。餘有要言在攝三東中可索觀之或能互相得益。

與如是兄

姑蘇之行雖似多緣實以惺兄放生田爲第一義旣爲死者了公案遂不能爲老兄侍湯藥興言及此真可愧心。若不證得大悲千手眼尚無力顧一二道友况可普利塵沙耶。生西之念又加十倍猛切矣。惟老兄斷欲去愛固有辣手而調身護物尚乏方便真足令人掛懷願與晦文令孫同病相憐內則放開懷抱

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

以養神外則體察世情而惜福。卽此一病未必非自利。利他之緣也。良藥之名豈可令其無實義哉。

與壁如兄

末世禪人之病。病在膽大。老兄之病。病在膽小。膽大故肆無忌憚。直向泥犁。膽小故顧後瞻前。不得自在。善惡雖殊。不能打徹。則一。今欲徹體清涼。須將定散淨穢。情見全體放下。始得。不肖每至病時。只是一味放下。病則旋愈。雖外感稍有淺淺而鎮定之力。亦不可誣也。姑蘇之行勢不容緩。故不能侍候左右。但日

持滅定業真言一千。以後時音問相通爲期。願老兄諸緣未盡。早就輕安。同扶法運。或大限難逃。則徑歸安養。速悟無生耳。

東新依法王

壁兄之變大出意外。令人悲愴不已。末後光明雖俟青雲士點綴。而線索全在吾師手中。萬聖畱神。令壁兄死而不死。亦足度人無量也。塔事當與子將元建季清諸居士商之。塔銘行實并傳。古今二師應各任其一。餘一則藉手士夫名筆。同垂不朽。方爲雅當。忝

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

在法愛敢獻菲葑。伏祈酌行爲妙。不肖入山中。當禮千佛六部誦法華十二部。聊盡友誼。幻緣所牽。不能侍巾瓶。効臂力。愧甚愧甚。

上古師

末世修行惟明師良友是賴。僅一月間天奪我良友二人。何法運之多難。而衆生之薄福也。聊可自慰。獨有與師結制打七耳。然一心持名。固應遵彌陀契經。而菩提衆善。亦須合法藏弘願。卽菩提論疏及壁兄銘傳二事。未必非往生左券。淨業正行。旣有信願爲

前導。何懼其不爲上品因耶。此不肖所惓惓三請者也。伏祈吾師採納。瞽工則法門幸甚。

寄文學陳旻昭

八月初五日徐止觀自佛日遊金陵。曾作柬相達想。已入覽矣。初五止觀別去。初六惺谷師卽西歸。逮九月初六壁如師亦復辭世。一月之間奪吾二碩交。皆法門梁棟也。豈不痛哉。每思刲濁熾盛法弱魔強。非定慧莊嚴。悲智雙運。誠難挽其頽波。惺師慧力有餘。而定功不足。壁師定慧調適。而悲願未淡。故俱爲死

魔俟得其便目下同袍者鮮有發生死心。况復發菩提心。天人減少。三惡充滿。將何底極。靜言思之。扼腕傷心。惟居士弘願忍力。作佛法金湯。必能拯末運苦副靈山囑。不肖雖無似實切影響之懷。路遠音稀。能勿惓惓在念耶。故特托信初上人耑候起居。并索回東以慰生平爲法之意。

寄金葉

近日到吳晤弘演。知足下病在鹿城。詢厥病緣。則因譖經學字而起。雖爲足下惜。亦爲足下喜。旣爲足下

喜。倍爲足下惜。惜則惜學道多魔。喜則喜以學致病。猶賢于固守無聞而不病也。喜則喜能虛心好學。一轉育修瞎煉之局。惜則惜無調身調心方便。或反爲暗證者笑也。未知近日起居。又復何似。或不堪醫治。應放下萬緣。諦信樂土。早捨娑婆一刻。即是一刻便宜。更勿猶豫觀望。或尚堪行動欲調身調心。現世求箇下落。千萬同弘演來。或十月初旬內外來。同不肖入孝豐山。不肖實能爲足下保任身心二事。倘肯相信。決不相賺。以足下資稟純淑。信心濃厚。不覺掛懷。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

致此拙策。高明酌而行之。何如何如。

與韓蓮洲居士

別後無日不相念。無時不願仁者早離俗累。每遇相
知問及必告以真情。憇其曲折。諸有信心者皆爲嘆
息。增厭惡濁世之心。知仁者出于無奈。不以爲過也。
當知娑婆弊惡。非人所居。况丁未運魔強法弱。如逆
水逆風。欲施樽棹。非長年柁手。鮮克有濟。現世尚爾。
况堪矢之永劫耶。易行難行之論。誠不我欺。然韋提
以逆子而發起淨業正因。慶喜以染緣而翻爲楞嚴。

卉引惡因緣是好因緣。轉禍爲福。全在當人著眼。若
但隨凡情偏計分別。不免雪上加霜。冤冤相結。有何
了期。若達曠劫因果。知現在冤親總非天降地出。而
以慈忍心調停解釋。以如夢如幻觀消遣。情懷則此
一遇未必非仁者。煉磨心性。透露真常之一助緣也。
語云。跌法從他得。又云。燈不剔不明。鐘不擊不鳴。他
山之石。可以攻玉。以玉攻玉。不得其砥。汙泥乃生蓮
華。神奇出于臭腐。應思吾人本地風光。埋藏蘊宅。潛
伏根門。無時不然。煞欲現。稍藉外緣。一擊便當逆裂。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

騰湧輝古爍今。焰天燭地。倘不肯向此際薦取佛界。
便爲魔界。如霜雪寒冰松柏以之增妍。凡卉因之失
色。咎在已而不在境也。今仁者捨比丘沙彌律儀而
不以爲恥。但願于世事中亦能如此提起放下。自由
自在。不爲幻境所縛。祇作遊戲之場。消業之具。獨一
菩提心竇歷萬變而不改。則蓮華國裏敢保攜手同
行。終不以形迹致睽矣。楮短情長意言無盡。極欲趨
晤筋力稍疲。統俟初旬走別。先此稍抒萬一。

與曹源

人不難於有志而難於有忍。事不難於有察而難於
有容。故曰。有容德乃大。有忍乃有濟。楞嚴一期雖幻
住之始運。實爲他日關鍵。願老弟以恕心平心。公心
忍力。巧力。慧力周旋其間。不恕不足以容物。不平不
足以鎮亂。不公不足以服衆。不忍不足以自強。不巧
不足以御人。不慧不足以察微。言之似太行在一時
分之似多缺一。不可能向此中著眼。又是進真學問
一大機也。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

復水林

娑婆苦空本當驚怖。何俟四人忽喪。方乃怵心。大事因緣無過華嚴極典。捨此別求。又是舍元殿裏覓長安矣。全身放下。蕩蕩空空似則固似。是則未是。離生喜樂。初禪之全身放下也。定生喜樂。二禪之全身放下也。離喜妙樂。三禪之全身放下也。捨念清淨。四禪之全身放下也。不恒行心。心所滅。盡定聖人之全身放下也。恒行心。心所滅。滅定聖人之全身放下也。以視那伽大定。尚不啻螢火之喻日光。不知足下所道聲不盡。

希心者。當在何境。倘亦幸而妄想亂思。遮障汝心。使汝不墮坑落塹。如或果能驕直信去。恐諸佛亦救不得矣。此事非一言可盡。能虛却心意。不妨有相商分。否則牛順羊逆。一惟其便。不肖豈敢以佛法當人情哉。明春或赴龍居。當圖一晤。新法王并諸相知。統祈道聲不盡。

又

接手教知。求戒心切。同志復多。豈法門將興。故英賢畢現耶。但戒法通因徹果。有名有義。非久久潛心恐

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不能得其堂奧。倘受之卽欲遠行使違五夏不離依止之訓。從上佛祖同垂訶責未可作悠悠言語觀也。楞嚴云。因地不真果招糺曲。祖師云。頭正則尾正。語云千里之行始於一步。既受戒而不淡思戒義以例宗教。無不皆然。墮流俗坑失先聖意良可懼也。幸爲同志者商之。

復玉顯

歲前歲後。無日不望足下來。良念法門秋晚。求一二英傑共扶末運。實不易得。用是惄惄耳。昨接手札。知

尊堂所畱。情難離遠。是亦無怪其然。但須于世間孝出世間。上上孝較量輕重。以時取捨爲妙。塵緣本無盡期。解脫只在當念。以理奪情者智。以情奪理者愚。人間五十年。僅當四天王。一晝夜轉眼便過。有何實法。旣知瑣事是沒要緊。使自粘身不著。豈當以曠劫大因緣。博現前活計耶。禮懺緣未就不妨再俟後期。歸師入山。決應料理進具。萬勿蹉過。進具之後。尤須精學。一番莫蹈末世有名無義之過。是所望于大心傑士者。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

寄韓蓮洲居士

別後卽入孝豐。法緣厚而助緣薄。身心亦覺疲頓。但娑婆惡世。五濁盛時。本因罪障。乃丁斯劫。固應慚愧。知足耳。梵網合註。尚俟閱台宗後方擬下筆。生死海中。戒爲舟檝。其關係既重。則籤釋亦不容輕。仁者雖捨比丘沙彌律儀。而大士木叉自宜固守。仗此菩提戒光。方可禦悔消難。其說似迂。其事實邇。宣聖答魯哀之間。堪爲同喻。幸精思力行之。則吳地越山。庶臭味不相隔也。不肖龍居禮懶已畢。旬餘仍入靈巖。卽

欲講生無生論。但更無處可覓。能更惠二三十帙。真無量功德也。有暇進山。同享泉石之樂。尤慰所望。耑此不一。

寄修雅法主

南都一別倏忽三載。物換星移。人遷局變。無常苦空。亦何待言。然不定者。幻夢之境。不改者。護法之心。每歎邇年魔風愈熾。哲人日凋。獨掌隻輪。豈能鳴蓮壁惺。二兄相繼去世。仁者復遊化他方。皈兄久別。方會而如兄正合。又離。緬想曩日聚首臯亭。英賢濟濟。真

不可再得矣。所自慰者千里比肩百世接踵置身千古上下。庶亦喜其不孤。但悲緣境發智以福嚴今境觀雖親而福力綿劣。遂使尊周攘夷之舉必藉力于同盟是以幽懷耿耿尤不能忘情于故交而萃翰遠頌名香下錫亦復不棄菲葑者請以藥石之言用酬知已之愛側聞弘法泉南人天並食甘露固已合掌隨喜又聞著作種種恨未獲見雖丈夫不朽事業正應努力但此事實非草草者雲棲大師云古人著述多在晚年良以道曠無涯逢人不盡試觀上代疏論

家皆備殫一生精神博綜內外學問方得一帙二帙垂世尚不免後賢彈駁况可以一時淺近口耳草料欲流布人間耶雖邊方僻地亦不應謂其無人須見到養到從居安資深中流出則輝天燭地炤古騰今非爲分外耳至於毘尼一事尤不容片言隻字杜撰譬如禮樂征伐自天子出稍或僭侵厥罪不小初生牛犢不畏虎識法者懼不肖閑藏已三徧實切杞人之憂敢爲同心者告如近日湛一還一等受具皆不如法旣仁者有倡導之職而不爲較勘得失倘亦微

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

有過歎契闊已久。衷情無限。非寒溫愛見之談。盡法道攸關之事。筆舌所不能罄。未知何日得面悉也。傳佛心印記註。附呈清覽。此翁學識俱富解行。兩優堪爲近日作家。幸虛心玩味。知未易及耳。中郎少年最輕蘇長公。逮晚年著作已徧天下。重取坡仙集讀之。方爲吐舌。九折肱而知醫。閱人多而曉相。倘粗心浮氣蹉過不少矣。含虛竟作古人。悽惻久之。已爲持誦經呪。并欲同惺。九薦拔之不忘舊交也。如兄奉觀音大士令暫回桑梓。休夏後。勸其速出。勿久戀故園失

善友切磋之益。是爲真實相知相愛。

寄唵豔公

季春一別。忽復新秋。雖學修常住。不能不切無常之慨。且律學久蕪。諸方多舛。非扶律無以談。常非摧邪無以顯正。如來慧命如綫。未絕之一脉。惟吾二三同志。是賴。今歸兄固獲同居。而仁者尚隔一山頭。是尤不能無惓惓也。施茶功德。想已圓成。佇望飛錫荒塢。共浴法日。歸雪諸公。均此瞻慕。樂多賢友。世典所珍。上善同歸。出世所樂。靈峰片石。不讓東林。萬勿遺棄。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

我等至懇至懇種種法門之憂非筆可罄。統俟面陳
不一

寄文學陳旻昭

江山迢遞夢想爲勞。然菩提願陰性冥通未嘗不
恍在丈室中也。春杪一音想已達覽。仲夏訛傳一公
之變。雖半信半疑殊覺驚神悚慮。爰念法門秋晚衆
生同分惡業如海如山。波旬氣壯邪心轉熾。無時無
處。思何正法之便。而吾輩佛子。戒坦不固定塹。不
深慧劍不銛慈鎧不厚。其何以守必堅戰必勝耶。既

處孤臣孽子之地。操心不得不危。慮患不得不淡。一
公幸無恙乞以此言致之。季文子三思吾輩不妨十
思耳。孝豐爲蔑戾車地靈峰爲農佑民家近因嚴抱
一之坐逝此地始知有佛法因雪航公之倡導此家
始轉爲禪林而請藏一事不肖弄其引六具發其心
諸佛菩薩促其成歸一大德任其役雖以地窘人慳
多艱多苦然實似有默王之者非人力所能謀也。歸
師明歲決志棲隱金庭修大悲三昧以三載爲期不
肖則仰承佛命半彼半此於彼承事善友於此檢閱

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

藏經間以自行之餘爲二三同志同行者。研究毘尼密作傳火之計。蓋以大廈將傾。一木難支。惟人定可以勝天。誓當易世俗所難而緩時流之急。棄名利絕囂誼。持以淡心。要以弘願。操以恒久不變之力。庶無忝于嬰杵。亦願居士斷泛涉之心。省不急之務。篤志近思。淡造自得。以圖他日共報佛恩之舉。無以寶劍切泥。以隋珠彈雀。是鄙衷所惓惓耳。荅舒孟蘭聞俱道進爲慰。集老能無恙否。未也。諸知友輩。統希致聲。千里神馳。臨楮無似。

寄邵僧彌居士

俄別忽將一載。良繇山川迢遞。遂致信問。莫通。然非不慘惄。時在念也。山中寂莫。惟以友朋爲樂。雖馬麥之報。甘心受之。但未知仁者近况。何似。夫不可習者。世間之事。不可忘者。出世之懷。向日同發心人。今已退失八九。言之可爲於邑。况復世道交喪。魔外縱橫。實切嬰杵之憂。豈無同仁之望。明春有湖山之棹。決當結夏金庭。不識居士能預社否。老伯伯母想俱納福。幸爲致問。楮短情長。幸能諒諸。言外。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

寄志隆泰公

客歲接回札。稔知爲道心切。今春晤澄雪二公。訊知淨業純篤。欣羨何已。然吾輩學道必須有超羣拔俗手段。方有出離生死機括。倘人世愛見稍有未除。則無上白法如何希冀。紫柏大師云。情之所有者。理必無理。之所有者。情必無古人云。讀得一尺。不如行得一寸。夫習俗移人。賢智不免。尊宿語錄雖足自警。終難敵現境熟識。倘安守故轍。而可以坐進此道。不惟五十三參之計太拙。卽三登九上。亦唐喪其勞矣。世

間那有揚州鶴斯言良可爲喻。今澄雪二公皆已入社。足下豈可更遲遲耶。佛道長遠。非一言可罄。欲得共相勉勵。無如朝夕熏習。百城煙水。請自隗始。答問粗閱一過。亦非面商不可。草此奉迓。楮盡不名。

復程季清居士

法門之衰。不衰於無外護。而衰於無內守。太約吾輩主持法門。先須立定盤星在正。然後隨時隨力興隆。幻事皆屬普賢行門。若稍涉世間名利之心。則佛法亦止成世法。深可悲也。居士真發菩提心人。必以予

言爲不謬耳。靈峰之局。一年已完明歲結夏。在洞庭雲鶴孤踪本無適莫。一來一去總不敢自作主張。惟佛是聽而已。古師願轉法輪。王既成就餘五自應並成。然以愚意商之。僅有三處爲可。但必待居士面商。或闡決於佛。非筆舌可陳也。冬初鵠俟駕臨。悉所欲言。壇中草復不旣。

復圓聞

法門下衰。斯時爲甚。棟梁之聖。非我相知數人。無寄也。每念如來最後說法。以扶律談。常爲宗。倘廢事談。

理理成烏有。况智者荆溪諸老無不戒行冰霜方堪垂範千古。豈以毒器可貯醍醐故不肖始雖染指宗門。既亦遊心教苑。而今不得不以持戒爲第一急務。又見律學之訛。較禪教而更甚。爰爲集要以便訓蒙。捨舉世共趨之轍。遵賢豪恥問之途。一點苦心竊謂知我者惟如來耳。忽接華翰道愛殷殷。旣將乘戒並急。當時如來所使法運可回。喜而不寐。忘公定論後學殷鑒。不肖聊作弔文附塵清覽。不足供一笑也。懷渤海雖稍具善根。然粗浮之氣習與性成。卒難悛革。故

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

久付於不屑之誨。今承尊命。弗敢不遣趨座下。萬望以嚴正而調御之。否則故態恐復現。前當知非法門咎也。歸師律身清古。教眼昭明。不肖近日授戒。必推作主盟。不知仁者能降意否。明春惟三月稍暇。二月有禮懺之事。四月有結夏之局。倘必欲下問。則訂期當在斯時矣。玄卿領謝。四教六卽圖呈政草。復不盡欲言。

復曹源洵公

奉書請歸山不以卦數過求一法

接來翰知懺悔殷勤。感佛光現。雖僅長二寸。亦得戒

心。萌芽也。欣羨何已。嗣嬰貴恙。當是夙習交加。及向來因口腹而犯戒所致。然法華一部悲憐。二時尚始終不替。可謂勇猛丈夫矣。須知末世法弱魔強。果欲進道離苦。必內具淨信。外資聞熏。冥賴佛加。顯求友助。方得安隱。達於彼岸。四中隨缺一種。便多敗少成。不可不慎思而力行也。不肖遊歷天下。半生於茲。操心危而慮患。深識人頗悉長短。經事亦知甘苦。大約人必道情重而世情輕。雖拙鈍亦堪。久處事必多率真而懲巧僞。雖艱難亦可觀成。是以結交寧少不多。

作事寧小不大期於真究出生死法不奉作比丘耳。明年決定小西湖結夏歸師亦決作三年禁足之期。不肖雖分半身閑藏然必以此爲定局。旣仁如與足下同有踐約之心。何不協力共成其事於大明國內。作此第一如法清淨伽藍。豈非起千古積衰而爲釋迦良弼者耶。旣蒙念及。耑此訂期。萬祈裁許。無渝昔盟。

復程權可居士

佛法下衰。以師友相與。惟事唯諾而不事切磋。故微

言隱而實行。荒貧衲雖無似然深悉此弊端。欲從吾輩一痛革之。是以每遇高明。輒直陳其粗獷。然相知者少。按劍者多。亦付諸無可奈何而已。惟居士以真心素履。坐進此道。決能荷負法幢。作將來眼。貧衲實爲喜而不寐。雪師公案。豈敢忘懷。但俟時節因緣。以爲效忠之地。非僅爲遠嫌避疑計也。妙藥拜登。不退菩提心。不離菩提業。以此十字奉酬雅贊。矢之永刻。無替無失。大利益論持上十冊。用表無盡。

寄文學萬韞玉

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

緣會則來。麾之不得。緣盡則去。留之不能。貧衲大似浮雲萍梗。然每念居士一片真心。未嘗不爲之耿耿也。但貴地久乏聞熏。並聞見。倘宋儒陳腐見識。一毫未洗滌乾淨。未可與深談佛法。况居士輩全坐陳腐理障之中。分毫未拔。欲商真正宗教。誠難。誠難。以要言之。寧以百千刃刀刺其耳根。終不忍聞佛是方便說。誑語人寧以百千刃刀割斷其舌。終不可言佛肯方便說。誑語法寧以百千刃刀割裂心胸。終不可作佛經同寓言解。貧衲此言。倘有一字不從真心中。

流出。不但死墮拔舌。現世舌根便當爛壞。當知宣尼雖大聖人。若比於佛的如小星比於滿月。燭火比干燎原。川瀆比於大海。中尊比于朝庭。若不能信得此語。即是謗佛之人。不可謂信佛也。貧衲進山。第一是權可得益。第二是九申得益。九申雖得益。然猶有大病未除。至於居士。依然還是俗儒。迂儒。腐儒。今已相別。不知相見何日。倘不盡言。辜負居士相愛之心。言而不能痛自思改。貧衲可以謝過矣。惟居士相愛獨切。故言之不覺獨苦。知我罪我。聽諸高明而已。不一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不一

又復萬韞王

旅中獲接回音。胡字字之真懇而言言之不浮也。非可與共學人。弗克有此貧衲爲道愛人之心已成痼疾。見居士如此根器。且如此相愛更不容默默以負良朋矣。夫學道之法。讀得一尺不如行得一寸。又俗語云。要知山下路須問過來人。又云。九折肱而知醫。閱人多而曉相。貧衲雖無似然十二三時。便以千古聖賢自期。躬行實踐者凡十餘年。至於絕四之學。不

行譖惣之明。蓋不惟咀嚼幾翻。已久作韋弦之佩。况今學佛復十餘年。丁法亂道衰處。孤臣孽子之地。惴惴然以藐爾凡夫。欲荷擔如來正法。不啻以一絲懸九鼎。苟可以重興正法。報如來恩。雖粉骨碎身亦所不辭。豈敢存意必固我之私。受浸潤膚受之說。致貽羞於法門耶。居士特未歷貧衲之境。處貧衲之地。見貧衲之心。諒貧衲之苦。或不無形迹致疑耳。倘據居士見識學問而論。假饒意必固我俱絕。正是微細意必固我。假饒譖惣分毫不行。不覺渾身坐在裏許。如

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

此法門。皆居士所從來未聞。況能解入也。若以貧衲觀。一部論語。無一字一句。不曲盡世出世法。何止此二章爲可咀嚼。正以宣尼固已超越百王。跨節羣聖。猶未及如來百千萬倍之一。蓋孔氏道脈。自十二三時。全身擔荷。至廿歲時。已覺豁然貫通。今因學佛。益復知儒。細玩細商。頗窺源底。而覺皇妙法。如大海中僅沾一滴。固知實不可同刼語也。若居士者。僻處邊隅。既乏出格師友。又無超方眼目。童而習之。長而無與等者。遂以夜郎自封。訛訛然曰。儒道吾旣已知之。

矣。然居士不惟不知佛。正坐不知儒。不是煩惱障重。正是所知障淡。當局者迷。旁觀者親。果欲不作孝豐中豪傑。須放下舊日知見。徹底虛懷。將一部論語。一更從貧道講過。庶可知儒。庶可漸次學佛。倘平日學問分毫捨之不盡。終未可以入道。貧衲當修捨心三昧。俟他生緣熟可耳。進山之期。必俟藏完。未可以明秋爲訂。大事努力。筆不殫述。

寄文學沈九申

作孝豐第一人。不若作湖州第一人。作湖州第一人。爭言堂初集。卷六。書簡。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不如作浙省第一人。作浙省第一人。不若作大明國裏第一人。作大明國裏第一人。不若作千古一人。作千古一人。不若作十方三世一人。作十方三世一人。不若作一究竟沈九申。須知九申本自豎窮橫偏。亦自離句絕非。倘真能不自埋沒。不惟與素華攜手同行。亦可與三世諸佛一鼻出氣。否則縱然橫絕一世。止成夜郎而已。不肖靈巖之期已及一年。雖欲勉強再過殘冬。復被季清接出。可見佛前之闡決不可強。後會未期。幸各努力以爲刮目之地。吾在山一年。德

薄福淺不能廣作利益。但大悲種子堅諸寸衷。希有因緣隨機強毒。俟居士興雲吐霧。貧衲亦不難震雷掣電耳。藏經春初決回莊嚴之責。尤非居士不能倘藏無完成之期。貧衲亦無進山之期。俟完藏後。飛一的信。自當飄然復入山矣。草此言別。不盡不盡。

寄文學王簡在

愆期於靈峰。仍邂逅於吳興。不可謂無緣。乘行色倥偬之際。而矢秉歸戒。不可謂無篤信。今所以勵居士者。惟是出格丈夫作略耳。夫古之君子爲立六合。內

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

事業尚一家非之不顧乃至天下非之不顧。况欲圖出世大法塵劫遠猷豈可近圖一時耳口曲殉流俗人情耶。貧衲昔處俗舍前後掣肘不異荆棘深林。特以一念勇拔遂獲盡脫世緣。今雖未聞大道然文字三昧略窺一班便覺輕便自在。但曩以專圖出世太違俗情倍難爲力。若僅現居士身修出世法則更省力矣。居士非無大志大願直欠大識大力。今欲開千古識力決須視歸戒如泰山。視世故如鴻毛庶可作中流砥柱。如或不然未可稱豪傑也。蒙居士殷勤下言也。

寄潘戒如居士

莊子云嗜欲深者天機必淺夫所謂嗜欲者非但財色名食睡也戰國之君嗜殺修羅嗜鬪乾闥婆神嗜

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

嬉大梵嗜慢色界嗜禪無色嗜定聲聞緣覺嗜無爲。權教菩薩嗜作佛事。所嗜雖別障於第一義天則同。今足下財色雖輕瞋慢尚重。夫瞋慢之與財色縱云清濁稍殊。然同爲十習之因。同感六爻之報。若冠實別配因果。則慢屬修羅嗔屬地獄。尤爲可畏。不可不兢兢自克也。若以嗜欲卽天機爲言。則惟佛一人窮盡嗜欲之致殺無明父害貪欲母名爲究竟嗜殺。以慈鎧仗降萬億魔軍。名爲究竟嗜鬪遊戲百千勝定。神通名爲究竟嗜嬉。天上天下惟我獨尊。名爲究竟。

嗜慢毀譽不動如須彌。名爲究竟嗜禪。破有空王知法無性。名爲究竟嗜定。安住甚深法性。名爲究竟嗜無爲。盡未來際利樂有情。名爲究竟嗜佛事。此又居士所不聞不解不證不入者也。今若用對治門。何不速修慈心常行謙德。若用順治門。何不頓棄世緣。俾精進超拔表率同情。慎勿長養習氣以貽玷于法門也。夫三歸五戒事雖淺近理徹淵微。始從名字初心究竟妙覺極果。總不出此範圍。他人分受在後。猶思

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨空文集 卷一
三
努力居士全受在先尤宜精細萬望日新又新以作
優婆塞中鼎甲勿悠悠視作等閒也孔子云躬自厚
而薄責於人大學云有諸已而後求諸人無諸已而
後非諸人雪浪大師云不可以聖賢律人不可以率
性自任此三言皆居士對症良藥時時服之以作蓮
邦左券何如何如簡在東覓便寄去令兄處并希致
聲餘不縷悉

寄蓮勺

出家不難善始而難令終立品不難奪采時流而難

追踪往哲無比丘則無僧寶無僧寶則佛法無寄一
脉如絲衰哉將絕非有力大人誰與續之足下具丈
夫志蹈蓮師轍不肖實有厚望但福城初離煙水宜
尋有佛處不得住無佛處急須過正今日妙藥也甫
懸念間忽覩致季清札忍俊不禁附此作藥囊中物
倘不畏苦口更到洞庭西山西湖寺多服幾劑何如
何如

寄文學陳旻昭

一芥翳天一座覆地字經三寫烏鳶成馬佛法之餌

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

其所由來者漸矣。非天魔外道能破正教。推厥罪首。則壞周室者齊桓晉文也。治世嚴王霸之辨。操心分義利之闢。視聽言動之復禮。不真克伐怨欲之不行。何濟。隱居求志人定勝天。吾兩人豈得辭其責哉。此實嬰杵苦心。字字血淚。湖州程季清居士大悲爲懷物我同體。興福業惟日不足。護生命如救頭然。已藉閔非臺力。禁吳興城內漁舟。并各州縣屠牛狗事。復托唐存憶。嚴禁南直近民居處漁舟鉛錠渠旣面囑。又以呈稿致去。但必藉居士菩提願力。互爲緣起。方

可施行。特以呈稿寄上。煩居士廣集同志。速晤唐公。早一日救。一日無窮生命。而且護國護民。自利他利。現利後利。世出世法。無不兼盡。知必踴躍爲之。無猶豫耳。歸師以二月初六日早到吳興。正值貧衲修淨土懺儀方畢。卽同送藏入山。天朗氣清。萬民歡悅。開千古未有之見聞。作究竟般若之緣種。亦一快事。越三宿旋偕歸師并同志數人出山渡金庭作安居計。松濤奏梵明月爲燈。持一鉢以支身。挹湖波而解渴。嚴修淨戒真因。送想樂邦真境。固不敢置斯世於度。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

外然必須先自行而化他。水漲泥多之策願與居士共之。

與水部胡遠志

爲禪林求主人者居士弘護之願爲一身商出處者貧衲自知之明。竊以鮑老當場不若舉賢相副爰有季賢老師法名大獻爲雲棲之嫡子作惺谷之和尚任執事于大師位下廿載有餘無職不稱調鬪諍于龍居叢席三年未滿衆心普怡况復專修念佛三昧曾經醒夢一如徧禮海內名山已感普賢光瑞年德

俱隆慈願並廣不惟足以標榜僧倫而亦可以調停衆務誠所謂統理大衆一切無礙者今以雲棲多故出居吉祥以禮敦迎或當俞允倘得此老坐鎮雲巖則貧衲亦當時往來于其間矣若必欲貧衲躬任厥職恐世出世法爲疑多端請試陳之貧衲與歸一師兄本拈閻結伴洞庭誓願不相捨離而同志數人亦皆忘身爲法去住共俱倘一日捐西湖而之虎丘此間仍復一空雖云將來尚可再至而倏聚倏散殊違出家規式一不可也律中旣許彼處安居不容輒改

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

今設應命違律不祥二不可也此間之局已始孝豐
之案未終凡夫身力豈能更應餘方三不可也或謂
雖居虎丘可兼縹緲不知出家人法住處尚同旅泊
不容貪戀豈容掛念兩頭類如狡兔三窟四不可也
已躬下事靜動無妨著書立言必須靜境貧衲實長
于著述而短於應酬捨一從一兩皆失措五不可也
傲骨稟自多生懶性習已半世置諸名山大刹以應
羣機賊夫人之子六不可也律學之訛已將千載革
非矯弊實與流俗相違僅可僻處深山鳩真實同志

作傳火計祈以人定勝天卽欲行之天下以觸時諱
禍且不測七不可也大乘弘誓以寬成大任持僧寶
以局表尊既痛有名無實之弊必守貴精不貴多之
箴謾居勝刹求戒必多嚴擇則招怨之端濫許則壞
法之始進退維谷其何以堪八不可也諦審諦思決
難從命萬祈慈亮勿致徒費往還重獲罪于門下幸
甚幸甚嗚呼今天下稱圓稱頓稱大乘者徧滿城中
獨聲聞一脉不惟置諸高閣亦且藐若草芥抑思世
尊拈花時破顏微笑者果誰人耶寧使千日實不得

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

一擔真不願一日賣得千擔假靈源清禪師云易世俗所難而緩時流之急貧衲雖無似銘心此語久矣愁人莫向愁人說說與愁人愁殺人居士具金劙眼探法海源當亦爲斯言墮淚也山居荒寂助道艱難或蒙過愛惠以香積之餘結真實聲聞緣長真實聲聞種子他日坐道場宣暢一乘奧旨終不隔小子大作對待之妙貧衲爾時雖如聾若啞亦能引六千比丘使發菩提心也請季師之計若決貧衲當作東代爲介紹或此處更有賢者不俟遠求亦無不可耑此

附復草草不宜

與修雅法王

手教遠頒知錫歸故國爲慰不肖同歸兄及同志數人結伴湖山究心律學皆法門之選也仁者本有夙約能惠然踐盟共領切磋之益否世故紛紛惟善友可以相樂老當益壯幸勿以朽邁爲辭何如何如

復文學沈九申

來翰亹亹幾及千言道情世情具見之矣且致歸師東云師求弟子甚于弟子求師此言尤確尤足感于

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

鄙懷夫自貧衲入山未嘗不以千古聖賢期待衆友于衆友中或有聞而不信者或有信而不解者或有解而不承當者或有欲承當而姑有所待者雖貧衲殊乏過化存神之妙亦此方機緣未到也然尅實料揀之若稍姑待便非承當不承當便非真解不能解便不能信不能信便同不聞此又衆友所悠悠置之而貧衲所惻惻隱之者也大凡吾人學問必須腳踏實地則千穩百當無論道德功名卽富貴一途亦自有真操實履如蘇張輩名擅千古談何容易倘居士

果能爲佛法中蘇張航公便不爲虛妄授記矣蘇張決不是孝豐人吾亦止願居士爲蘇張決不願居士爲孝豐人然佛性無南北孝豐人豈無佛性素位而行不願乎外亦何必以孝豐二字爲諱貧衲若以孝豐相待若不以孝豐相待總欲以千古聖賢相待而居士畏蘇張之記恥孝豐之名便未可以學佛便是生平大病豈以未能自度先欲度人爲大病哉裝藏之議誠如所云近聞履如已應請直院渠旣爲政則行願鈔期十有九成前晤古師言許九月十五始事

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

矣待講期畢再議藏事方有條叙但貧衲此翻進山必得航公有東或彼肯自來方妙否則姑俟一年二年留作未了公案不應急促以致弓蛇人机之疑也又設今冬明春進山止有一比丘一沙彌相隨止可作住靜家風絕不干與叢林政事亦不別住律堂如舊夏之法世間甘苦吾已備嘗人情遷變吾已悉曉旣發無上菩提心但應隨機作利益苟有分毫勉強堪致人疑慮者斷斷不可爲耳炤乾等三人皆已授戒隨已定其行單目下歸取夏衣并復雅命煩更善

言慰喻啓廸真信俾發長遠堅固道心爲望

與曹源洵公

恒心述老弟于三月初三出關徑到洞庭聽律可謂勇于爲法深慰鄙懷然吾輩擇持法門有千古之志方可立千古之事又必有超世之識力方可副超世之心願倘世間名利眼前活計及人我彼此之見稍放不下割不盡則終成畫虎大似進退兩失不可不仔細斟酌也吾之受比丘戒外緣與賢弟略同而內因實百倍過之但以簡全藏後知非正法所許便

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不敢自任。俟今秋自恣于夏正滿。必於三寶及現前衆友前拈闡取決。正顯千古已墜之脈。決不敢徼倖承當也。况今同住之人。或本如法受。或依闡重受。無有一人不真實清淨。真實得戒者。獨不肖尚未拈闡而姑俟休夏方拈者。正以更無第二明律人。故不得已。昧心厚顏權講一期。俟稍有幾人能解。然後拈之。庶進退皆不致失措耳。今足下設欲預會。則一到洞庭。必須卽拈具戒。須受二闡。若佛許具戒。卽以向日雲棲所受爲戒次。但將受後所犯輕重盡情懺除。便

可同住。若拈得須受。則三師七證。現現成成。如法更受。以今所受而爲戒次。光明正大。可對佛菩薩。可垂範。千載不愧。後昆若不能拈此一闡。不如且守關三載。做糊塗漢。仗法華經。懶力作帶業。往生計。亦無不可。惟高明自裁。勿致後悔。外聞戒明。遙請不肖爲和尚。此實不可。須請歸師。乃妙。又後生人性。未有一定。大須嚴以待之。時時以生死策發。使不渝于流俗。將來方無毒龍攬舟之患耳。至囑至囑。

寄金陵諸友

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

志隆法友回金陵。曾以東偏候知友。于今忽將三月
杳無音耗。懸懸可知。不肖以四月十六日同歸師緣
大德等十比丘。于沙彌并三四行人。結前安居。總不
營謀四事。獨信如來白毫相中一分光明。昭我後世
如法弟子。決定不虛。大家穩坐數楹漏室。日夕講究
大乘律學。然一粥一飯竟不曾缺。大約馬麥之報彷
彿有之。首陽之風庶幾可免也。獨念去聖日遠。法道
日荒。衆生惡業益熾。劫濁衰亂益多。自非秉鐵石心
腸。護世尊正法。痛矯時非力追古道。決不能上弘下
化。

自利利他而師友之益尤爲第一急務。竊謂金陵
繙素。惟是昭責在弘護。宜勤舉業。若志隆已受具戒。
決宜來此結後安居。一公夏期既畢。亦可息靈谷仔
肩。滅華山妄念。早赴縹渺峰頭。共商出世大事也。附
去西湖八景爲我徧傳諸友。放生文十幅。各致一張
便中附候。不盡欲言。

寄志隆

吳城言別。忽將半年。不惟寒律社之盟。亦且蘄魚雁
之信。情所重者。終不能輕理。所重者。終未能克。如此

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

力量而欲追蹤往哲。恥笑時流不惟緣木求魚。大似
北轍之楚。社中師友往往責我。不能重法。輕授人具。
足戒諸佛菩薩。亦哀我進退兩難。命我作菩薩沙彌
矣。嗚呼。千百年無上正法。係于僧輪。南贍部僧寶命。
脈係於戒法。不肖以負罪之身。力疾講演者兩遍。尺
短寸長。尚無全器。今既長謝僧倫。退休求寂。自利則
優然有餘。但未知如來正法畢竟誰起而荷之也。如
是師遠隔泉南。尚未赴會。目下惟歸師爲大廈棟梁。
綠幻師躬行實踐。堪作標榜。慧公徹公雖俱未稱純

璧而脚跟漸向穩當。足下果不甘爲天界寺中清客。
必宜放下世緣。親近此四知識。不肖以外護而兼少
分同行。除律學外。一切經論。亦可兼少分教授。不知
尚有意否。

寄如是兄

人而無信。世典猶訶。出家受具戒人。豈容喪輓破軛。
縱謂雨海之孤寂堪憐。獨不思素華之苦心無告耶。
拈闡一事。仁所熟聞。結夏講律事不可再。旣承來翰。
謂三月盡必出門。則四五月間必到西湖無疑。何意

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

日夕屈指竟杳無音耗。不令人肝腸寸斷耶。七月十五日於大衆前然頂香六炷拈得菩薩沙彌闡。大衆無不感傷流涕。而不肖實自慶快滿願。蓋不肖所以力扶律學。無非盡孤臣孽子之職。爲如來留不絕如絲一脈。確無爲師作範心腸。但旣任講演。不免動人疑慮。益我者如惺兄。猶且不能見諒。何況他人。今粗講二偏聽者數人。攻則不足。守則有餘。太平本是將軍。致不許將軍見太平。退我于求寂之列。半爲外護。半爲內護。釋從來不白之冤。開自修自證之地。豈不

快心者哉。又不肖生平每以古人自期。兼欲脚踏實地。嘗試自揣。爲今比丘則有餘。爲古沙彌尚未足。今今我捨今之有餘。企古之不足。真不違出家本願。佛菩薩大慈大悲不可思議。何其待我之周至也。但此集要仁者。初以病魔聽不及半。次以家緣所牽。聽不及半。今復以遠隔雲山。不聽半字。從此更無聽說之日。深爲可痛可惜。猶幸歸師緣幻。師徹因慧。幢二公和合共持。待仁者來。卽爲五比丘如法住世。正法賴以不滅。倘更遲遲。則滅正法者罪皆歸于足下。又可

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不大怖乎

寄文學徐兩海

法門師友是出世大因緣。萬萬非父子兄弟可比。比丘僧寶是正法大關係。又萬萬非泛常佛法可比。吾以下劣凡夫不自度德量力。欲以一絲係九鼎。續千古已墜之律學。所賴惟二三知己。居士雖遇大變。不應遲如師之來。壞我正法輪也。吾自分十夏已滿。決當退休。今果得菩薩沙彌之聞。滿我本志。白我深冤。但如師若更不來。則正法決無復續之日。阿鼻一大

劫苦居士恐不能不爲如師分受半劫也。痛哉痛哉。尊公業重。無以濟拔。敬爲持梵網。上下一部空品。十卷往生百徧。滅定業萬遍。稍申遠慰之思。所許結壇持大悲一萬俟下科。入場時行之庶更覺切近也。

寄闍梨古德師

香光拜別忽復四月。音問雖稀。心實不隔。安居論律仗慈庇。得無障緣。感銘無量。自恣拈闍得菩薩沙彌之決。衆友雖以爲苦。不肖實淡自慰。名不稱實。古人所恥。誓不爲師出家本願。今獲此闍。稔知佛菩薩之

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

愛。一切憐我深爲我徹骨也。坦如述吾師已堅持齋法。尤爲忻忭。未運凋凌。惟有力大人乃可匡濟。如不肖輩。雖具菩提願力。而福薄慧淺。無可自効。每觸目時弊。惟有血淚橫流而已。今吾師以四衆所歸躬行作則。正法重興。拭目可俟。不肖卽殞身碎骨。其何能報恩哉。集要一完。卽當塵覽西湖八詠。山靈增色。泥首言謝。曲水八詠。承嚴命勉爾効顰。伏祈斧正。因季清入山指點。遂有改造之舉。意圖一勞永逸。出十萬不容已。而謀望計拙。大似孟浪。徹因比丘亦爲此事。

稽留不得到杭。囑筆致問。無量便中附訊。不盡所云。復荊度雪嶺師。

前承嚴命。卽宜匍匐趨見。奈頂門癟口未收。不可以風容俟望。後賤體稍康。決當渡湖耳。吾師貴恙。固是夙緣。今道力高勝。必無能爲患。善調攝之。自不日康愈也。不肖福薄慧淺。命運蹇乖。舊年顛倒作事殘局。未終。新春惡兆多端。死期將至。每念出家一點初心。直欲頓超佛祖。至今未酬萬一。慚愧無地。血淚交流。尤望吾師默庇。俾旦晚無常到時。正念現前。得叨下

10 1 2 3 4 5 6 7 8 9 20 1 2 3 4 5 6 7 8 9 30

品下生永脫娑婆劇苦是所願也人間世事譬如根
敗之人于五欲不能自利矣草復不旣

寄一門陳曼昭

世衰道微民窮財盡魔外之幟雖已稍折正法之幢
未堪急豎隱居求志人定勝天此不肖之素心亦一
公曼老所應從事者也一公未謝靈谷便宜堅守以
待倘已謝靈谷則應速來縹紗共商出世大事斷不
應更兜三惹四作孟浪人曼老此番復不得意非關
命薄正是法門未可頓復愚意亦爲更設二策一者

發大誓願必求重與正法權放暫時弘護努力作內
子丁丑計二者索性和盤放下竟向縹紗峰頭究徹
禪教律根源紹隆僧寶續佛慧命此二皆大丈夫作
略捨此二策悠悠洋洋雖欲拚身捨命恐難抵枉狂
瀾不肖俯仰斯世知我寥寥除歸師之外更無一人
可交如是師雖差強人意而遠隔他鄉音問杳然每
至中夜夢寐中輒號呼不能自己嗚呼法門嬰杵之
憂非一公曼老誰能知之又誰能療之哉慧公平穩
智公英俊俱堪作法門翹楚但一破家中乃祖所牽

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

一受慢緩習氣所累。鼓舞策發。尚俟二公之互相表裏也。念法情淡。不暇作寒暄語。前後安居之際。佇望杖錫南來矣。

復程子超居士

居士以青年妙才。作慧業文人。世出世間學問。本堪一串穿去。但甕外之人。始能運甕。只恐全身在八股裏。不惟遠于解脫法門。卽八股亦甚覺費力耳。齋經一齋淨土懺。一冊戒圖。二紙令居士。卽于俗緣中。漸證解脫。不俟了世債。而求證菩提也。湖山佳勝。秋景

倍強。能與權可同泛洞庭之棹。以慰懸懸是所望也。

寄志隆泰公

人世幻惑。刹那不定。灌公有楊君之變。不肖亦遇刑度之憂。東西南北。遂皆不能自主。其迹似違佛命。而其實皆奉佛敕。不敢以私心適莫也。目下孝豐與幻住主人。正在兩爭之際。俟議定再當報知。修大悲行法。究毘尼與旨。皆是末世對症良劑。但期唯堅唯久。唯深唯細。步步體貼將去。事事慎密將去。則法門有賴矣。問辯跋語意亦甚善。但其中尚大有可商。姑俟

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

後便寄璧或當面商一番尤妙

寄灌虛大德

楊公之變令人駭休。然自上座言之。欲圖世法失却一臂。欲求出世增益幾多警策。勾消幾多妄想。惡因緣是好因緣非虛語也。七方便人。觀苦諦而悟入聖流。九品蓮華厭娑婆。而標名池上。倘能自勵。使如松柏綏雪。或復自餒。則是繁草遇霜。思之擇之庶不負一番相與耳。破夏送檀越之柩。已覺非宜。懷土忘依止之戒。尤爲不可。秋盡冬初。佇望六環之仍來吳地。

也和尚於西湖寺雖未定跡。總不出二三百里之內。故不宜捨此別覓伴侶。當今法弱魔強。上座道眼未開。律學未諳。豈甘心作三家村裏善知識。抑闖入魔羣作波旬眷屬耶。不肖病廢之餘。勉強應酬幻住。不唯報荊度恩。亦藉手結淨土良緣。期于千穩百當。一切世故。久已付諸東流。惟持呪念佛。兼讀誦大乘而已。

復文學王元建

志慕單提。真是大丈夫事。又能專意講堂。究心楞嚴。爭

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

尤爲不可思議。末世障深法門衰替。坐禪者每每墮坑落漬。習教者每每說食數寶。孔子所謂學而不思則罔。思而不學則殆。不我欺也。若果究心楞嚴便知參究方便。只據近代宗門復有二家差別。一則從慧而入步趨大慧覺範之轍。一則從定而修彷彿雪嚴高峰之路。但得其肯綮。則水陸俱便。迷其綱宗。則二俱有病。此必萬緣放下。向真實師友痛商一番。方能的確出得生死。非可悠悠視作等閒也。附去寶王論一冊。舍利問一則。稍佐法喜。壇中禮彌勒相好。作西

逝資糧不能細悉。統希諒之。

寄金臺法王

舊歲自恣後。毘尼問辨初成。卽錄一冊。作東奉達。及冬間聞呪壇之變。又曾作東相候。想俱浮沉。故未入慈覽耶。新秋因匡山學人紹玄入杭。托渠懇集要之。施紹玄行已數日。復遣初平禮足。是時初平赴一便船。行旌甚促。故東中不及細敘寒溫。亦謂寄紹玄東。必已先到。故也不意。初平到座下時。紹玄尚羈茗城。盈盈一水。失枝脫節如此。自非老師格外。心知能不

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

以形迹見罪耶。呪壇火浴當是天人取去以讓後人更作勝福。正可表老師大願大力。且暮白當復成無容疑慮。但繙素之口。其致非一。總不足憑據。亦不妨爲老師誦之以副玄聖下問之懷也。季清王風水之說。則曰。佛日大局如扇名爲火形。壇上更起新樓名爲火星透露。故致此變。天台隱者重佛法之規則曰。清淨呪壇不宜容女人得履其地。亦不宜容俗子繙流輕易轍入。設欲入者必須齋戒沐浴方得合制。又呪心之說。起於長水。然疏中亦不敢確然自是。旣經

文無據恐必宜遠壇一百八徧爲長原夫無上壇場震旦國中僅有其二。一切天龍所共護持。一切諸佛所共注念。區區風水之說未足全信。而隱者之言似堪採錄。旣聖明不棄芻蕘。其忍嘿嘿以負雅愛乎。夏間因剃度師棄世勉就幻住商究妙宗鈔一期聊作薦拔佛事。未敢云開法也。今復以菴中諸事未完強爲修葺。而障重緣慳時遭在陳之厄。雖馬麥尚不足相繼。幸有三四同志甘心同作首陽民。惟以研究鬼尼爲務。故雖死亦無憾耳。附去金光明懺一冊。寶王

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

論一冊。皆新就梓者。窘中別無可以將敬。惟祈慈鑒不宣。

與茂林律主

久別慈顏。每懷渴想。止因愛在法門。遂盡廢世法寒溫。非敢於老師所有遐心也。邇聞陸行之居士。述老師不滿集要中。疑似一則。謂不肖意指老師。此殊不然。但因愍忠大會律主有五百問解。而究竟終不可解。其中作犯止持關係。如來正法不淺。不得不冒死致辯。實與老師無交涉也。律中有四種廣說。經中有

依義不依語之文。若謂五百問是佛說。無容致議。則受生血盆高王等經。亦稱佛說。亦可信。受奉行耶。願老師以大悲心。樂善心。擇法智慧心。無人無我心。俯察芻蕘。庶不犯如來鬪諍堅固之記。法門幸甚。不肖幸甚。禁足禮相好未遑禮足。敢此代布。

又

前遣徹因比丘禮足。并致賤東。大意的的。惟爲法門。實無半點人我見識。倘有輕忽耆宿之心。不惟律制不容。卽護法天龍亦當見譴。想老師慈悲普覆智慧。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

深廣虛懷樂善。決不終於按劍者。敢再布腹心。以祈
下採。大約律學之訛已非一日。卽如宣公亞聖猶爲
懷素所嫌。義淨大賢復受翻譯名義集彈駁。故知自
如來以降。雖等覺菩薩猶有最後無明未破。猶未稱
一切智老師。雖博聞強識貫通三藏。豈遂纖悉無疑。
不肖雖鴦劣無似頑鈍。不堪豈無片長可採。卽如律
是比丘軌式。俗不合聞。一出于根本薩婆多部。一出
于戒因緣經序中。根本部因緣乃迦葉佛時有外道
子欲破佛法。假意就比丘學。比丘告言。法有三藏。在

家俗偈得聞二藏。謂經及論。毘奈耶教。是由家軌式
俗不合聞。于是外道子以此事白其母。母令權時出
家學習其法。然後破之。子既出家。不久偏通三藏。爲
大法師讚揚正法。母大呵之。子以孝故。便作謗語。衆
上座諫勸。復出惡口相詈。感得多頭魚報。母墮廁中
作蟲。此段因緣甚長。必老師所熟閱者。不肖義例之
中文略出之。而老師尚習而不察。茫若不睹。則老師
之於藏中。旋閱旋忘亦可知矣。若謂俗不合聞。止屬
半月誦戒。則三藏具在。自可展閱。何待出家而學之。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

耶。若謂此事出在薩婆多部不出僧祇不足憑據。則五百問。又豈出僧祇部耶。且將此一段公案決定辨明。便可審知老師與不肖孰憶孰忘孰疎孰密矣。必若塵不肖於門牆之外。不肯虛心細商。不肖固無奈老師名分。何獨不慮諸佛菩薩天龍鬼神亦有抱公心而不平者耶。字字血淚。言言赤心。萬望勿作是非人我會也。旭無任死罪死罪。頓首頓首。

復曹源洵公

圓教行人始從名字。初心便用佛知佛見修行。所以

古來豪傑丈夫。具足一切無明煩惱。偏要向冰稜劍鋒上行。以非冰稜劍鋒境界。不能陶鑄無明煩惱。令成菩提般若故也。世典亦云。將降大任。必先苦心志。勞筋骨。乃至拂亂所爲。令其動心忍性。增益不能。試觀頑鐵不煉不成鋼。美玉不治不精瑩。松柏不歷歲寒。不挺秀。孤臣孽子。正以操心危慮。患深故達。豈有縱粥飯。習氣作緩輒形態。而可坐進此道者。若小小境緣。便成事障。只因平日無分毫契心。恰意處耳。果達玄妙之理。則現前極惡逆事。第一玄妙。爲吾人第

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

一明師良友。若捨却此等境界。更於何法可修可悟。可頓耶。不肖福薄緣慳。較兄更甚。只是于圓宗得一消息。止在名字位中。雖不會斷惑伏惑。的能以佛知佛見。觀現前一切事礙。無有一微塵許。不是不思議境。故能當千難萬苦之中。而身心無恙。每日禮拜七百有餘。論律一參。除此之外。不是待人接物。便是料理常住。手不停書。口不停語。此確確是博地凡夫。受用境界。若言不肖有所證悟。是大妄語。舌當墮落。若言不肖是假作豪傑。無此真實受用。亦是妄語。有

如敝日兄試思之。不肖與兄所看之經是同。所識之字是同。所歷之境是同。所處凡夫之地是同。因甚有此不同處。豈非平日學問大率向語言文字著眼。而不向義理上體會。不向躬行處較勘耶。轉得此關捩子。方有生西方分。否則靜坐百年千年。僅是山猿野鳥活計。恐非大乘淨土因也。尊東中惟畢竟性急。不得一語最妙。緣之有無。豈以成敗論英雄。不必以此抱歉。

未會橫擔杖徒勞折脚鐺。清閒紓見惑。任性失嚶。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

嗚煙水君雖隔肝腸我自誠臨風頻致囑擊碎小無生

復雪航樞公

悲歡離合人世常情牛順羊逆學人通病會得則世法亦成佛法不會則佛法亦成世法滔滔斯世亦何足云伶俐如足下亦墮在裏許是以一二年間不敢浪通一信非故爲恝然實有言不能喻之衷曲耳窮玄來蒙惠佳音兼賜妙頴感佩垂念愧無以報謹奉戒消災經四冊以助化導靈峰殘局爾我一體兄旣

棄如敝屣不肖復何羨乎倘憐大藏將至散失不惜運神通力一成就之亦足仞弘誓深心有始有終也寄文學陳旻昭

隆公於舊歲三月返白下曾一致信居士嗣聞居士有燕京之遊故音問疎曠于今一載乃耿耿之懷則未始旦夕忘也每念正法日凋魔風尚熾衆生福薄邪說易以入人兼復世變紛沓饑荒淳至同分妄見可懼可悲而一二同志又各數奇運蹇非但莫遂弘護之功抑且未得善守之策如來命脉大似一絲懸

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

洋信宣有集 卷六
九鼎爲之奈何。時一念及惟有涕淚交流。或痛哭不勝藉言笑以遣之。遺之不足。仍復成病。病時無聊偶成三十偈。偈成病愈。賴有不病者在也。然不病者當體即是病者。而又力弱不能勝病。是故遍身皆病。病外無法依稀堪入病三昧矣。去夏爲荊度師示寂勉強以妙宗鈔申薦拔。秋中復以毘尼集要作懺摩。冬抵得脫幻住鵠臭布衫。新春同頂瞿師及慧幢上座等禁足嘉善。擬滿昔日閻藏之願。先年曾於藏中得占察善惡一經。乃地藏大士。簡爲末世障重衆生設

此第一方便事理。具足頓漸俱益。方將誓願註疏流通。并依經立懺。俾一切有情咸知由作法取相而入無生。不墮鼠卽鳥空之殃。亦不受說食數寶之誚。先以一冊奉覽。知必踴躍歡喜讚歎護持也。發心任流通者爲新安程用九居士。專心教觀願現宰官身而爲金湯。已從不肖處受菩薩戒。倘居士送蒼老之任道。繇構李不惜廿五里水路來此與諸上善人一晤。亦甚快事。病中三十偈。并過松陵有感二偈。附正

復曹源洵公

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

戮力幻住止因剃度師臨終一段付囑及足下一番
承當在世出世法中皆不應有頭無尾耳。豈欲以此
爲豎法幢地哉。菩薩知一切惟心所現。如夢如幻。寧
受幻夢勞苦建立幻夢利益。奈何作幻夢無頭尾事
使幻夢衆生造幻夢口業同墮幻夢惡道也。已往不
咎亦何足云。將來行止可弗慎耶。委蒙垂念草此奉
復不既

與戒明

恒心來詢知汝今六時精進心甚欣慰但須了知此

是世間第一福第一受用縱令三心不起三昧功成
亦天魔鬼神所忌刻也必折意降情帶得三分不如
意境以自修煉方爲法器方可挽回定業勉之勉之

上闍梨古德師

新秋徹因入杭卽寄書告別不意被心穆師留定不
發而賤體亦被病纏未能卽行今瘧之愈而復作者
再三生理幾盡賴有一句彌陀作拄杖子愈痛苦愈
親切此皆吾師萬佛緣中加被力也感佩何已目下
若死止冀一下下品生倘微待不死斷斷卽入深山

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

更無再住人世之理。前靈隱兄入杭，因有前柬在，故不敢復作東。嗣聞吾師與諸學人一夏行持戒律，著衣持鉢，儼然靈鷲真風，欣羨無量。此皆法運重興之兆也。然不肖更欲進一言，以裨天海，想聖明決不以芻蕘見棄。竊聞古人云：五夏以前專精戒律，夫所謂專精者，豈徒著衣持鉢而已？律中第一要務，在于常一其心念，無錯亂。所謂念無錯亂者，謂依四念處行道也。四念處慧，佛法總關。若無念處慧，雖著袈裟，如木頭幡，雖行禮拜，如碓上下，乃至六度萬行，皆同外

道苦行，無與真修。若依念處行道，則持戒功德現生能獲四沙門果，乃至圓教十地，克獲無難。其第二要務，則在洞明二百五十戒中開遮持犯之致，否則二六時中，既掛比丘之名，當結無量之罪。言之駭聞，思之喪膽。倘此二務不明，縱令著衣持鉢，與無解作師之邪戒何異？末世流弊，非有力大人不能挽回。吾師德盛，名顯僧俗，同欽千萬。于此留神，決能一洗陋習，爲釋迦老子吐氣，致狂瞽，聊盡孤臣孽子之職。知吾師必垂矜亮，不以爲淡罪也。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

清江室存集 卷六
復靈隱兄

伏讀尊翰并聞徹因口述慈旨知兄愛我切爲我深銘之五內嗚呼半生遊歷大槩皆我爲人耳未有爲我如仁兄者也我非木石寧無動于衷耶但弟之所以扶病而行者亦正以來年運甚不利決不欲死于眼見耳聞之地倘得結山中昆蟲鳥獸之緣實慊本願或藉此東西南北奔馳之苦以消宿殃尤出望外斷不敢偷安於熟情故地也大約生則隱居求志死則求一下下品生是爲弟之定局近則三五年間問

果證于千峰頂上遠則四天王一晝夜內期携手于七寶池邊乃吾兩人之定盟日下則不得不暫違左右矣吾兄道眼明白志力勇銳此生決無不辨之理但須于粥飯習氣軟爛習氣粗浮習氣戲論習氣思前算後習氣之一直下斬截方可立造聖賢閫域此尤不肖旭所惄惄於知我者幸勿罪其狂直何如何渠師貌冷而古智細而清尤與不肖有緣但以多病不堪作雪山苦行奈何奈何萬望於淨土一門硬作主宰強下直當如韓信背水陣相似勿生一念恐

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不能生之心至囑至囑

與程季清居士

入山之志久矣。幻緣所牽。弗獲如願。今因病廢得遂
初心。但甫到吳江。賤恙復發。不得不暫寓吳城。調養
旬日。是以猶及見徹因及尊東也。承惠厚贐。并錢公
盛貺愧不能消。而正值藥餌無措之際。遂爾拜登。耑
此附謝。外聞錢公與居士如水乳。合同心。力行衆善。
欣慰無量。當見支那國內。正法重興。五濁亂時。清泰
可致。貧衲雖僻處深山。亦旣遠叨光庇矣。積善之家。

必有餘慶。鑑斯振振。又何疑哉。此行定跡。雖未可預
期。然生則與木石居。與鹿豕遊。死則冀取下下品生
永離塵網。拋下一具臭皮囊。任從昆蟲鳥獸同結良
緣。以爲將來受化種子。是所願也。或得一枝栖足。縱
不敢更通名字於人間。而徹因爲我守法之人。必當
知之。若四五年僥倖可以不死。將來尚有詳梵綱占
察二經之願。今且一筆勾之。以俟化佛來迎耳。居士
久修久習。堅固大悲。必能於法門中作真實利益。無
俟予言。但梵綱一經。不可不流通。妙宗鈔一書。不可

不處處講演。千乞畱神爲感。餘不縷悉。

復大理錢元冲

久聞弘護之風。每切景仰。前接程居士東。不意謬辱。
道愛兼承厚託。業已自反增慚歉矣。念茲朽劣。未敢
浪通音問於達官長者。迺微因再來。復承惠施彌隆。
且捧讀尊翰。德意懇切。益深感愧。山野廢人。何道可
當格外玄鑒。何法可消殷厚信施。耑此附謝。惟居士
乘菩提願輪。秉靈山親囑。現宰官身。護持正法。且與
季清居士盟出世交。季清久參禪理。近復潛心唯識。

善能隨文入觀。超出依文解義。稟曰麗澤之益非言
所宜。必已深入不二法門。將見三十二大士未能仰
酬。况我等聲聞。何足當於彈斥。顧下問殷勤。不擇狂
瞽。誠所謂擴神聖之懷。收芻蕘之益者也。貧衲學解
荒疎。出家日淺。于大法闡奧。未窺萬一。但以發覺初
心。志齊佛祖。本與時流相反。是以行脚一十五年。觸
向多乖。學無常師。交無常友。棄短取長。從善改過。僅
於出生死法。稍稍知一門路。而十年來。被虛名所累。
出家本志。未酬萬一。又見末世種種矯亂。觸目傷心。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

大廈將傾。非一木所支。魔軍熾盛。非凡夫心力所敵。是以痛心疾首。亟欲長往深山。期于千穩百當。庶可自利利他。非敢固爲石隱。置我同體合靈於度外也。然均一法門。而內護與外護其用各異。內護持邪正之辨。不得不嚴。外護膺金湯之任。不得不寬。一則如良工之分玉石。一則如投鼠之須忌器。總以弘護正法爲懷。易地則皆然耳。故華嚴五十三位知識。各各證解脫法門。薦香算沙。無非三昧治罪理事。並入玄門。識得此意。則終日在世法中。終日與別峰比丘把

臂共行矣。至于業障一事。不出因果。因果之理。統于十界。楞嚴以不生不滅爲本修因。然後圓成果地。修證法華。以一乘因果爲宗。觀經明深信因果。不謗大乘。卽得上品中生。世人不達。見講經者談因果。便笑爲說因果法師禪門。謬謂因果非向上事。置諸勿論。致令事理俱迷。長夜莫曉。不惟昧佛妙旨。亦復違背儒宗。易稱積善餘慶。書稱作善百祥。豈皆爲愚人說法哉。縱令正誼不謀。利明道不計功之仁人。亦是修身俟命之實學。斷不可謂立巖牆爲知命也。今惟

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

以勇猛善心。向。往。昔。決。定。業。障。譬如離弦之箭。雖似
決不可回。而通臂猿。每能接之。菩薩智猿。亦復如是。
以方便臂接定業箭。令不墮地。亦不著身。此卽真實
懺悔。不但於世法中。所求如願。固已增長正信。開發
菩提。如因病求得仙方。并但却疾。兼可飛昇矣。願居
士篤信力行。久而弗替。携手寂光。會須有日。倘賤軀
仗庇。未填溝壑。五六年後。尚期一振支那佛法也。蒙
居士格外之知。故亦不敢拘拘世法。遂肆其妄談。至
此。知不見棄于玄納耳。外蒙惓惓。干住山資糧萬不。

必更勞神慮木。食草衣。自是頭陀常法。但願偕季清
居士。力興梵網。經妙宗鈔。正法。俾此方羣生。開出世
正眼。卽山中之功德多矣。并此附謝。病筆不莊。不次。
統希台諒。

囑徹因比丘書

并七條

吾望公甚高。公慎勿自卑。吾望公甚遠。公慎勿自近。
吾望公甚廣。公慎勿自狹。吾望公甚大。公慎勿自小。
吾望公甚尊。公慎勿自輕。吾望公甚重。公慎勿自浮。
吾望公甚穩。公慎勿自浮。吾望公甚密。公慎勿自疎。

吾聖公甚微。公慎勿自陋。吾聖公甚妙。公慎勿自麤。聖賢自期。謂之高無數塵劫。謂之遠徧周刦海。謂之廣。超權越小。謂之大。不染名利。謂之尊。不輕去就。謂之重。始終一致。謂之穩。精察力行。謂之密。窮理盡性。謂之微。開佛知見。謂之妙。嗚呼。吾捨已從人。親師取友。自廿四出家。于今十四年矣。半生碌碌。一利俱無。扼腕捫心。血淚如雨。庶幾稍稍自慰者。尚有慧公及足下。能依律以行持。不負我數番講論。然律門衰敗。大法並危。不具前之十德。鮮克砥其頽波。勉之哉。無

使我死于山中。不能瞑目也。慧公鈍而猶能斟酌足下。敏而每多鹵莽。卽如致心如一。東慧公亦爲足下點破。足下未肯遽信。直待予言方改。予今往矣。安能更相簡察。必須虛心納諫。時時自省。倘于慧公尚不能虛心。則餘人益可知矣。豈不日歸蒙蔽耶。律藏斷宜首閱。閱之斷宜精細。其他世故。一任前緣。俱不必勉強料理。喪此好光陰也。世變紛紛。究竟不知何日聚首。尤須念念送想。樂邦庶生生世世。永不失爲菩提法親。諸相知處。均不及別啓。均此致聲。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

第一須依念處行道隨文入觀觸事會心心觀爲主
看教爲助第二須專求已過毋責人非第三須
作出生死學問莫作趨時學問第四須和光同塵
慎勿自矜自異欲看教典且完玄籤次則十不二
門詳解次卽律藏五百卷并大乘律五十卷次乃止
觀輔行次阿含經等諸小乘經然後及餘經論或急
于修證無暇泛涉唯律藏不可不閱餘皆隨意若
無大故切勿與慧公相離此人安穩平妥足可爲汝
藥石或得與隆公同住互相切磋尤爲有益生離

死別人世常事萬勿悲啼痛苦但依我所言而行之
不異與我同住也萬勿妄想出頭惟貴真操實履了
當生死倘所養既粹因緣到來雖不必固欲隱居不
思利物然須痛戒時流之弊第一不得爲人改法名
此是最可惡事荆度師受戒師教授師傳法師皆有
父子之誼若改其法名是教以蔑棄荆度師也傷理
背情無道之甚且古來知識曾不聞有法派之說奈
何末世以此爲親吾聞先受戒者在前坐後受戒者
在後坐不聞先取名者爲師兄後取名者爲師弟也

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

既以法派爲重則必以戒法爲輕。稱之曰師叔師伯。師姪師弟儼然與俗與異可羞可恥所宜痛戒。第二不得曲媚權貴須如達大師家風始得。若不能造此地位寧死不宜出頭。第三不得多收徒衆多畜沙彌多受依止倘教訓不周必有壞法之咎。第四若把茅蓋頭須一一依律訓行事切忌餽送白衣等事。第五切忌到人家念經拜懺漸成應赴卽檀越到山門作福者亦須示以佛法尊重莫如近時叢林套子第六凶比丘物須依律法分與現前僧切不可學估唱陋

習其餘諸事不能枚舉總以律爲指歸則無過矣。不聽吾言非吾弟也。

淨信堂初集卷六

助刻芳名

汪觀一兩 褚淨潔一兩 何橫五錢

歐陽坤五錢 張淨灝五錢 謝殘 鄭完

顧昭 陸本 閔大兆 王元標各三錢

張升 仰聖遵 尹原善 陸同文 吉兆來

張元徵各二錢 通瑞募二兩六錢五分

性弘募二兩五錢

薄益自補五錢



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

五